



明詩紀事

庚錄

徐光啟 一首

光啟字子先上海人萬曆甲辰進士改庶吉士授檢討歷贊善諭德超擢少詹事引疾歸起故官擢禮部侍郎以忤魏忠賢落職崇禎初復官加太子賓客進本部尚書兼東閣大學士入參機務加太子太保贈少保諡文定加贈太保

田按文定通籍後從西人利瑪竇講天文歷算火器盡其術若逆知三百年後有西學入中國之效然猶講求國家兵機屯田水利鹽筴諸政非盡棄其學而學也通變而不失其常君子於文定有取焉

庚籤卷二十一

題陶士行運甓圖

典午朝臣鮮尙實競以曠達相矜誇媿媿玄談未終席紛紛胡騎亂如麻白玉塵尾黃金埒甕間酒龍聲嗑嗑誰使神州陸沈者空復新亭淚成血於時獨有陶荊州卓爾不逐頽波流高齋晝夜百瓴甌勞身苦骨時矻矻心知鳩毒是懷安肉緩筋驚成何益誰爲點染圖中史炯炯神明薄毫楮披圖再四忽自喜瘦骨稜稜髮上指

傅淑訓 一首

淑訓字啟昧孝感人萬曆甲辰進士除濮州知州改澤州遷工部員外歷郎中出爲平陽知府歷山西副使陝西參政四川按察使入爲太僕少卿坐楊漣姻

國朝古 六律圖
貴陽陳書田輯
書

天懷卷
八氏圖
書

家削籍崇禎初起順天府尹累遷戶部尙書

五泉山

湖上歸鴉去雁湖中英蓉朝霞全畫瀟湘一幅楚人錯認還

家

李待問 一首

李待問 一首

待問字葵孺南海人萬曆甲辰進士除連城知縣改

沙縣清江徵授禮部主事改吏部歷員外郎中遷太

常少卿以僉都御史巡撫應天進戶部侍郎巡撫鳳

陽召拜戶部尙書贈太子少保諡忠定有松柏軒稿

黃金臺

碣石荒臺古悠悠傷客心馬應酬白骨士亦戀黃金落木殘

庚籤卷二十一

二

秋色高城隱暮陰燕山多俠氣千載一遺音

黃儒炳

一首

儒炳字士明廣州順德人萬曆甲辰進士改庶吉士

授編修歷中允諭德庶子遷南國子祭酒就遷吏部

侍郎改北禮部再改吏部有影木軒集

秋經景州董子祠

秦火初殘道已孤壁經遺緒未全疏百年禮樂逢明主三策

天人識鉅儒歲遠芳蘋供故里秋高落日照平蕪招賢東閣

成何事優蹇王門有大夫

楊鶴 一首

鶴字修齡武陵人萬曆甲辰進士除雒南知縣改長

安徵授御史引疾去天啟初起太僕少卿擢右僉都
御史巡撫南贛未任忤魏忠賢除名崇禎初召拜左
僉都御史進左副都御史拜兵部右侍郎總督陝西
三邊軍務進兵部尚書加太子少保逮下獄戍袁州
卒復官追加太子少傅

寄懷張子達伯仲

澤畔相思夢卜居故人兄弟近何如林邊黃葉供新賞屋裏
青山好著書江口月明猿嘯夜荆門霜落蟹肥初再來剡曲
堪乘興畏爾淹留逼歲除

吳應琦一首

應琦字景韓桐城籍休甯人萬曆甲辰進士授太常

庚籤卷二十一

三

博士遷御史歷大理寺丞進本寺少卿遷南大理寺
卿

滇回住峽山山莊

數峯相對澗流長萬里歸人滿鬢霜舊壘燕來巢未改新疇
雨過稻生稌苦吟賴有陶潛酒薄宦原無陸賈裝六詔風煙
身歷遍如今邱壑任徜徉

景韓以巡按至滇

趙彥復二首

彥復字微生杞人萬曆甲辰進士累官湖廣副使有

趙微生詩選

靜志居詩話微生牽絲作宰不以簿書廢吟詠晚輯
李鍊吉何仲默王子衡孟望之薛君采高子業劉子
素張助甫謝茂秦九人之詩目曰梁園風雅而以已
作附之以爲獻吉籍本扶溝聚族於斯婚嫁於斯長

子孫於斯營邱基於斯非梁人而何君采之先出自
偃師而隸武平赤籍茂秦爲趙王客因卜居子孫遂
留不歸郡志載在流寓故亦入選中州之文獻得存
其畧焉

隱園

曲沼滌森木虛堂帶遠星座窮非馬辯閒譜種魚經流水何
勞駛歸雲不用停怪來幽意足終日戶常扃

卜居泉上因感先君子有山水之癖

渚陰石浪靜春蕪一葦橫塘興不孤開徑但饒修竹好爲溪
得似浣花無閣雲遠納層層岫苑柳平分面面湖幾載樵山
興漁水那堪腸斷夜臺烏

朱之臣

之臣字無易儀衛司籍成都人萬曆甲辰進士授大

庚籤卷二十一

四

理評事遷戶部主事歷員外郎中出爲德安知府歷
湖廣副使并徑道參政遷江西布政使有梅龍集

曉行

風泉竹露微茫溼林影花光漸次真一幅郭熙好山水坂田

新著耦耕人

漫興

置身才與不才間畧似莊生物外閒惟有鄉心消不盡春來

頻夢大峩山

戴九玄

九玄字玉汝一字大圓新昌人萬曆甲辰進士除棗

強知縣改臨安會稽文安遷都察院經歷進工部員

外有工部稿匡山社集酒人游饑驅草陸沈集落花

吟聽鸚亭稿懷玉集

裴君弘西江詩話大圓詩如蟬聲驛路兩馬首衙河
煙更深雙鬢白吟斷一燈青客好殊難有官閒豈異
無約客嘗蝦菜聽人唱竹枝呼鷗與爾爲間伴繫馬
同君是散曹亦雋句也
田按王汝詩音節殊亮不染當時習氣

元日

一官闕下已三年耶署浮沈只自憐飽美侏儒徒索米醉騎
款段也朝天別來剩有歸山夢不去貧無儻舍錢移得梅花
寒未吐知他何處占春偏

送張懋葵兵備池陽

帝鄉遙帶大江濱開府西南控制分官舫去來三峽雨牙旗

庚籤卷二十一

五

披拂九華雲楓林踏社聞歌鼓荻港防秋撤戍軍閒向昭明
臺上望一潭煙水日初曛

鄧澄一首

澄字于德建昌新城人萬曆甲辰進士選庶吉士改

御史出爲湖廣僉事有大隱堂清雅堂東園等集

黃孝子投塔詩

載籍遠乃行耳目近常畧孝子死爲母至今猶寂寞當其畢
命時神感塔斷柄睜睜目不瞑煢煢魂安泊觀者環如堵鄉
鄰驚錯愕爭傳爲黃長黃竺其邨落母疾久不愈醫藥靡所
託念身爲母生舍身爲母藥一片血心誠異代當揚推老夫
筆諸篇以俟采風俗

樊良樞 一首

良樞字尙植進賢人萬曆甲辰進士除知縣改
仁和遷刑部主事歷員外郎中出爲雲南副使改浙

江有三山二酉等集

滕王閣懷古

層樓睥睨漢家墟百二關河帶礪封鹿放西山回萬乘劍衝
南斗化雙龍沈煙極浦通朝磬濺水空潭激夜春最是秋江
漁笛好數聲遙和翠微鐘

西江詩話明太祖平陳友諒會幸南昌開宴滕王閣
命諸儒酌飲賦詩翼日存恤窮民放友諒所蓄白鹿
於西山詩中頸聯指此

李若訥 一首

庚籤卷二十一

六

若訥字季重臨邑人萬曆甲辰進士累官參政有五

品稿四品稿楊花詩

雲

忽作紅翠生映山復灑水盈盈散何方但見層陰起

王家植 一首

家植字木仲濱州人萬曆甲辰進士改庶吉士授編

修

登琅琊臺

臺上秋風俯大荒側身東望思茫茫島邊屢氣結朝市雨後
鯨波落晚涼南去樓船懷越絕西來輦道自秦皇雄心寂寞
空千載海上何人有禁方

戴者顯一首

者顯字合微桐城人萬曆甲辰進士授禮部主事有

杭河集

題邢山人卷

尋真無遠近一屢聊溷迹悟澹未云遙得趣良可適近市窈
囂塵入室靡交謫蘊此霞外情追彼區中責中唐鬱遇眺憑
城望南陌平楚隱連岡高雲綴危石欣賞付長嘯觀化忌謁
踏夙契苟莫違悠悠遂朝夕

劉士驥一首

士驥字允良禹城人萬曆甲辰進士改庶吉士授檢

討有蟋蟀軒草

庚籤卷二十一

七

田按允良舉南宮出曾太史可前房太史在闈夢李
于鱗來謁曉得允良卷遂取焉可前與公安同派操
愿下之戈者也乃因于鱗而錄允良亦一異也

送寒泉上人

空門無住著來往偶隨緣客路白雲遶禪心明月懸聞鐘尋
野寺洗鉢向寒川想到東林下天花落法筵

李之世六首

之世字長慶新會人萬曆丙午舉人除瓊山教諭遷

池州推官有圭山副藏北遊草剩水山房漫稿南歸

稿雪航草家園稿水竹洞草朱厓集小草泡菴草不

住菴草息廬詠

顧嗣協岡州遺稿長慶工詩善書間作雲林山水皆
清絕可愛

田按長慶詩蘊藉無喧囂之氣頗近宋人

遊郭塘村題壁

歷險乘危倦復登尋幽那有幾人曾
澗橋忽斷遙攀樹土屋將欹巧碍藤
楮葉壇邊過社鼓豆花棚下晒魚罾
農談真覺塵心盡愧我移家遠未能

迴龍菴訪僧

古岸沙崩路已漫清川流水對潺潺
人從荒落見殘寺僧帶斜陽歸故山
爲愛榕陰遮徑密偏憐鳥語伴經閒
蘭橈只在官橋外問我來時過幾灣

千古厓山弔古

汴杭回首卽荒濱二徙逢厓事竟真
天地有靈應一涕風波垂死泣孤臣
何來赤手堪扶國卽去黃冠亦誤身
還是中華千古地長風吹雨洗腥塵

庚籤卷二十一

八

冬日書懷

氣至寒林慘不舒蕭然冥坐得真如
耗磨轉覺雄心盡簡懶全於世法疏
一艇爲家將鶴往三冬無事帶經鋤
過逢半是邱中侶多暇還參種樹書

雷陽道中

原莎莽莽盡荒阡遙指孤城百雉懸
新水乍生潮帶滷危樓一望海連天
空聞疲卒防春戍幾見流民墾石田
數十年來豐樂土風光強半不如前

種茉莉

堪嫁江梅媵水仙
薜蘿香雪鬪芳妍
女郎編箱鬢鬆髻
卻道眞珠不直錢

越其杰 七首

其杰字自興一字卓凡
貴陽人萬歷丙午舉人
歷夔州同知擢四川僉事
遷霸州兵備副使以事
論戍起充爲事官監軍
鳳陽福王立以右僉都
御史巡撫東萊改撫河
南南都破尋卒有薊門
白門橫槩知非屢

非諸集

楊文馳洵美堂集卓凡詩
鏤腎嘔肝雖極刻劃而序
瀟淵雅歸於自然
黔詩紀畧開府癖耽佳句
當放退多閒其詩殆無日
不作就所詣而論律詩勝
於古詩五言勝於七言吳
滋大編其遺集附摘句一卷
古句如幽絳借竹開吟
緒仗花引風未碧澗輕雨
餘塵迹盟故使意偏失甯

庚籤卷二十一

九

關眉不修空江坐
夜深靜聽流雲響
隔石細聽泉冷
冷如三歎若得
玉人憐平生亦
不寂對眾發言
十人九不樂並
清迥有餘味律
句五言如自經
多難後只想一
身閒程遵春草
綠意在晚山青
老去仍憂國
春來又別家長
因得意處便作
息心觀五更生
百念千里況孤
身避亂人人苦
除生事輕心中
無一事岸上有
千峯花月夙心
在雪霜今鬢殘
客簡同僧靜
山秋似水清遠
念書難達知心
夢可通旅客雨
猶出愁人晝反
眠七言如今日
對君疑是夢去
年顧我恐非人
關心事匪飲能
遣得意人惟詩
可招味每在世
俗酸鹹之外
田接卓凡苦心
吟事存詩近萬
首惜爲鍾譚派
所束縛然其獨
詣處亦彼法中
之錚錚者

知人

自古英雄目成敗
兩不疑若祇泛然
惜知不如不知推
解豈不厚此恩猶
覺私

論詩

學問聊爲借聰明反欲捐悟來方自得妙處不能傳水月光
無著池塘夢偶圓要知好消息多在靜閒邊

冬月宿友齋

亦在人寰裏獨無塵事牽自添焚麝火看汲煮茶泉靜夜觀
空坐高齋聽雪眠心靈多畏役並欲廢遺編

夏日閉門

竹密巧辭日花遲遙戀春惜惟閒不學好是宦仍貧世外應
酬簡靜中消息真松風涼午夢誰識善藏身

春暮看花

深閉閒庭念歲華屐痕今始踏晴沙豈知約客先儲酒反在
他人後看花似畫江山徒付夢如僧蹤迹不思家傷離強制

庚籤卷二十一

十

筵前淚畏聽離羣獨噪鴉

訪友

閒移居在碧溪淥夏日攜詩獨往尋微映松筠饒有致不藏
洞壑自然深誰云道念原存默未必仙人盡廢吟商榷旣投
相視笑階前時下一幽禽

夜坐

塵務日相侵夜深喜默坐耳根漸覺靈葉底聽秋墮

明詩紀事

貫陽陳 田輯

庚籤

成基命 一首

基命字靖之後避宣宗諱以字行大名人萬厯丁未
進士選庶吉士授編修厯洗馬少詹事遷禮部侍郎
兼太子賓客改掌南翰林院事以忤魏忠賢落職開
住崇禎初起吏部侍郎拜禮部尚書兼東閣大學士
參預機務加太子太保進文淵閣大學士贈少保諡
文穆有雲石堂集

冬至朝天宮習儀

庚籤卷二十二

內仗宵移敝碧壇高呼聲肅晚生寒灰蘆應律欽周政綿葛
成儀習漢官煙擬御爐香裊裊響移宮漏珮珊珊近臣未識
天顏喜極目彤雲捧露盤

韓日纘 一首

日纘字緒仲博羅人萬厯丁未進士改庶吉士累官
南禮部尚書諡文恪

雪中過東林寺

橋下溪聲急微茫亂遠鐘半山雲壓寺深院雪歛松澗落何
年瀑煙藏幾處峯靈山緣未了他日許相從

何南金 二首

南金字許卿泰興人萬厯丁未進士除莆田知縣有

悲華館十笏齋集

楊廷撰一經堂詩話許卿五律工於起勢如山中秋晚步云忽覺一林寂幽巖鳥定初秋夜獨坐云落月一聲笛蕭然秋思生西湖泛舟至南屏云亂水疑無地湖南忽有峯

望湖亭獨酌晚歸

千山萬山落日低渚禽恰恰衝人唳菰蘆葉暗煙漲浦楊柳風來浪拍隄上方僧定塔鈴起遠港月照漁燈稀習家池頭更何似枉殺山翁醉似泥

秀州道中

落日湖田浪平湖頭人歌採菱朝來欲作風雨一片菰蔞水腥

鄒維範 三首

庚籤卷二十二

二

維瓊字匪石瑞州新昌人萬曆丁未進士除延平推官徵授南兵部主事改北歷員外郎中改吏部以劾魏忠賢被論削籍下吏謫戍施州崇禎初起南通政參議就遷太僕少卿擢右僉都御史巡撫福建以忤溫體仁罷官召拜兵部侍郎遵疾不赴有願學編宦遊草友白草友歐草導噫草

田按匪石劾忠賢疏與楊大洪同時上大洪杖死匪石僅謫戍思州衛幸矣崇禎時起撫福建不究其用時論惜之

雪後富陽舟中別戴章甫之會稽兼致其兄玄趾

逢君君又別把酒暫爲歡小陸才如此元方弟未難探奇過禹穴弔古憶秦觀寄語山陰客扁舟興已闌

侍御朱密所先生見招賦贈

卧病山中白髮新當年諫草獨批鱗都門舊識花廳史聖主
能寬骨鯁臣勝日東泉遊屐遠丹衷北闕夢魂親拂衣未許
成長往幾度徵書起釣綸

塞下曲

日落孤城暮角哀寒衣未授朔風催那堪隴水聲幽咽流向

征人枕上來

潘潤民 一首

潤民字用霖貴州前衛人萬歷丁未進士改庶吉士
授禮部主事歷員外郎中出爲廣東副使歷四川河
南參政廣東按察使雲南布政使病歸起雲南副使

庚籤卷二十二

三

就遷布政使有味澹軒詩集

黔詩紀畧朗陵有味澹軒詩朗陵子馴驥孫德微曾
孫奕快玄孫文芮文苞來孫曉暉孫以激以溶仍孫
桐梅傳七世十二人皆有集藏於家
田按吾黔以風雅世其家者首推潘氏余輯續黔詩
紀畧七世十二人詩集皆得錄之

八雜詩

吟罷倚修竹醉餘盤古藤補巢妨墮鳥解網縱飛蠅靜室發
孤磬晚窗明一燈諸緣俱淡盡擬作在家僧

周泰時 一首

泰時字孟巖金壇人萬歷丁未進士累官雲南布政

使

遊碧玉巖

碧巖春氣煦曳杖愛閒行酒面風吹醒詩腸澗洗清野麋同
適性山鳥自呼名爲赴僧房約幽雲出洞迎

徐鳳翔一首

鳳翔字君羽江甯人萬歷丁未進士除閩縣知縣擢

戶部主事

寄俞仲茅

對酒忽不愜思君意若何鄉愁因雨積詩夢入秋多何日辭
圭組終年隱薜蘿青溪垂釣侶好爲製漁蓑

趙嶮一首

嶮字子函一字屏國蓋屋人萬歷己酉舉人

列朝詩集子函家有傲山樓藏書萬卷所居近周秦漢唐故壘古金石名書多在焉西安類宮碑林爲最

庚籤卷二十二

四

時跨一蹇挂偏提搗工搗楮墨以從每過片石隻字坐臥其下親爲拭洗推搗裝潢復爲疏記其後援據考證畧仿歐陽公趙助誠洪丞相三家名日石墨鑄華自謂窮三十年之力多都立敬楊用修所未見也遊終南九嶷城南作訪古遊記三篇三輔五陵長楊下杜遺文故事歷歷如指掌

莊河村主人

落日牛羊嶺上村誰開三徑召王孫山容似黛斜侵檻水字
如巴曲到門野客行藏無揖讓田家賓主有盤樽欲將谷口
煙霞色並向桃源洞裏論

賈必選一首

必選字徙南一字直生江甯人萬歷己酉舉人除戶

部主事遷員外謫九江經歷遷桂林推官入爲南工

部員外遷郎中

方山宿定林寺

緩步尋詩去山光入定林竹煙生澗細松月到門深暫憩高
僧榻聊抽隱士簪夜涼鐘磬寂猿鶴助高吟

張慎言 二首

慎言字金銘陽城人萬曆庚戌進士除壽張知縣改

曹縣徵授御史以劾馮銓銓屬曹欽程論劾誣盜庫

銀編戍肅州崇禎初起故官歷太僕少卿太常卿遷

刑部侍郎以事落職召拜工部侍郎遷南戶部尚書

就改吏部掌右都御史事福王即位命理部事加太

子太保致仕流寓蕪湖宣城間國亡後疽發於背戒

勿藥卒有泊水齋集

庚籤卷二十二

五

靜志居詩話尚書雖歷崇階傾心下風雅之士聞詩
人陳昂相履布封宰窮以死語所知曰自今入市門
見賣菜傭皆宜物色之恐有如白雲先生其人者嗚
呼今人論撰述率先探其任路之通塞以定文字之
佳惡取舍由茲分焉江河日下安得聞此長者之言
白眉昌容安齊蘇談菟山之園曰泊水余一日同沁
涓賈問二揚公在菟山座請泊義菟山曰未閱水經
乎余曰正以水經為疑耳水經沁水一名泊水公問
倚沁濱以泊命名恐誤菟山曰吾止知為泊不知出
也因顧二公二公皆以泊為是余疑二公所讀同出
一本詢之果皆彰德趙郡非南菟山曰泊取及意
又潤也泊則水之止而動者三公皆誤矣呼取南
本正之皆作泊後賈問更其里為泊而菟山迄不能
改長公坦之序其詩又曲為之辭何若易以泊字為
典

田按沁水源出涅縣今考戴趙輩校水經注沁水即
涅水也不從泊與泊較為有據

秋杪有懷沁涓

園廬相望水縈洄歸思紛紜未易裁得句偶先分韻往聽松

每約過溪來抗言在昔夷將惠握手於今王與裴細雨雙鴻
秋寂寂懷人千里有孤臺

田康字將禮南海兼盡東南之美

羨君仙舸漾輕霞君到江南正落花花霧撩人春欲醉江煙
迷岫日將斜竹枝渡水驚新響白苳隨風憶浣紗更向六朝
芳草路莫愁湖外問誰家

楊嗣昌 一首

嗣昌字文弱武陵人尚書鶴子萬厯庚戌進士除杭
州教授遷南國子博士累進戶部郎中引疾歸崇禎
初起河南副使進參政移霸州再移山海關擢右僉
都御史巡撫永平山海諸處拜兵部侍郎總督宣大

庚籤卷二十二

六

山西軍務以憂歸起兵部尚書改禮部兼東閣大學
士入參機務兼掌兵部事特旨督師加太子少保太
子少傅師屢敗不食卒於軍追進太子太傅有地官

集

田按武陵閩於用人勇於任事拮据行間以死亦可
哀也詩頗染竟陵流派

三石澗

選勝就三石周遭眾木參中仍瀉寒澗名久蝕精藍伏谷虎
晨去隔沙瀕夜談霜林與霞壁襯取夕陽酣

文翔鳳 一首

翔鳳字天瑞西安三水人萬厯庚戌進士除萊陽知
縣改伊陽洛陽遷南禮部主事改吏部歷員外郎中

出爲山西副使遷光祿少卿有南極篇皇極篇東極篇等集

列朝詩集天瑞詩離奇寡兀不經繩削馳騁其才力可與唐之劉義馬異角奇關險靜志居詩話學有異端詩亦有異端文太青王季重是已

暮入登州

遠山微剩黛近島澹留青海若收城市鮫人掩戶庭宿雲如待曙歸夕解藏靈日母東巡至余將攝太甯

王象春

三首

象春字季木濟南新城人萬歷庚戌進士除上林苑典簿遷南大理評事歷工部員外改兵部再改吏部進郎中有問山亭詩五卷濟南百詠一卷

庚籤卷二十二

七

列朝詩集季木於詩文傲視輩流無所推遜獨心折於文天瑞季木尤以詩自負才氣奔轅時有齊氣抑揚墜抗末中聲律余嘗戲論之天瑞如魔波旬具諸天相能與帝釋戰鬪遇佛出世不免愁宮殿震壞季木相如西域波羅門教邪師外道自有門庭終難皈依正法

書項王廟壁

三章既沛秦川雨入關又縱阿房炬漢王眞龍項王虎玉玦三提王不語鼎上杯羹棄翁媪項王眞龍漢王鼠垓下美人泣楚歌定陶美人泣楚舞眞龍亦鼠虎亦鼠

靜志居詩話萬歷中年詩派雜出季木自開門庭不循時習雖引關中文天瑞爲同調然也題項王廟一篇比於謝參軍鴻門作更覺道鍊亡友潁川劉考功

公祿亟賞之幾於唾壺擊缺此非邪師外道之傳也

不落夾

慈甯宮裏佛龕叢瑤水珠燈照碧空四月虔供不落夾內官

催辦小油紅

劉若愚酌中志畧四月初八日進不落夾用葦葉方包糯米長可三四寸闊一寸味與粽同也
古夫于亭雜錄明故事四月八日浴佛日賜百官不落夾案萬厯中慈聖李太后宮中祀九蓮菩薩四月供不落夾先從祖季木考功詩云云蓋故事供佛後卽賜百官不始萬厯也

白雪樓

荒草深埋一代文蔡姬典盡舊羅裙可憐天半峩眉雪空自

頽樓冷暮雲

居易錄李滄溟先生身後最爲寥落其寵姬蔡萬厯癸卯年七十餘矣在濟南西郊賣胡餅自給叔祖季木考功見之爲賦詩云云滄溟清節可知矣

庚籤卷二十二

八

馬之駿

二首

之駿字仲良新野人萬厯庚戌進士授戶部主事歷

員外郎中隆廣德州同知遷應天通判改順天復官

戶部主事遷員外有妙遠堂集四十卷

列朝詩集仲良與兄時良並有時名而仲良尤爲秀發與鍾伯敬同時稱詩仲良持論欲極其才情之所恣其意匠之所經營情景筆墨之所稱愜遠救鋪陳叫囂之病近離淒清寒苦之習不屑寄伯敬籬下伯敬以其非同調也亦推而遠之少年盛氣腸肥腦滿多詩酒酣暢之致解師友繳厲之功其最契合者吳門王留新安汪逸相與馳騁角逐往而不返以故時調狎出學古不純風格時患蕪累波瀾未見老成天不假年未見其止良可惜也
書影張棊居日明詩四變爲海內口實者七人秦齊吳豫各一楚獨居三然初變而李何再變而王李不失爲盛也變而公安竟陵晚矣吾豫當初變時一人

起而左右北地鏖金夏玉至今踔厲詞壇王李樹檝
公安矯狂豫獨不與不欲與也竟陵時新野馬仲良
同伯敬起家庚戌進士自造新聲借吳門亦房唱和
其詩抉鑿性靈鮮警秀異足以移易一世王馬之名
宜與鍾譚並乃世唯口鍾譚不及二氏則爲仲良者
不幸而詩不播於天下爲風氣所歸抑幸而不列變
中反得免世詆訶耶
靜志居詩話仲良才頗縱橫微嫌圭黍未合

宣和玉磬歌爲祠山道士作

瑤琨出水水寒膩昆吾刻作宣和字哀音射波龍子嗁如訴
東京夢華事殿前袞衣方羽衣翠旂黼座丹碧輝靈素大言
請羣后三山鸞鶴同雞飛此時宮懸俄一叩洞庭地窄鈞天
漏胡塵馬湮捲地腥不上血斑上土繡玉質至脆石至堅物
理堅脆爲壽年峻嶒良嶽盡奇石銷鋒飲鏃成飛煙古冰瑩
然反長久似出宮姬配非偶垢衫皴腕強提攜憶著安妃玉
奴手蒼梧花鳥悲暮雲南枝兼失冬青墳空山猿哭斑狸卧
時復一聲裂煙破

庚籤卷二十二

九

伏枕

伏枕梅簷過柳衙北湖又復負荷花門因謝客全無籍身欲
稱僧尙有家七尺向揀同草木三生知久痼煙霞餘年儻遂
幽棲志剩我清湍舊釣槎

王志堅一首

志堅字弱生一字淑士崑山人萬曆庚戌進士授南

兵部主事歷郎中遷貴州僉事不赴改湖廣有香巖

室草

列朝詩集淑士讀書最爲有法先經而後史先史而
後子集其讀經先箋疏而後辯論讀史先證據而後

發明讀子則謂唐以後無子當取說家之有裨經史者以補于家之不足讀集則定秦漢以後古文爲五編尤用意於唐宋諸家碑誌援據史傳摭採小說以參覈其事之同異文之純駁

河間道中雜興

朝來百騎盡如龍趙女齊兒一隊中席帽長衫渾不辨只教

銀燈露雙弓

區龍貞一首

龍貞字象先廣州順德人萬厯庚戌進士累官滇南

道有滄浪洞集

曹署感事

中丞累詔援榆關節鉞長隨塞外頒南國十年輸稅盡北庭

何日羽書聞荒城箭落秦時月絕島屯高海上山自聽秋風

庚籤卷二十二

鈴鐸響幾將封事過曹班

鄭之文一首

之文字應尼南城人萬厯庚戌進士授南工部主事

歷郎中出爲真定知府有遠山堂錦硯齋集

列朝詩集應尼公車下第薄遊長干曲中馬湘蘭負盛名與王百穀諸人爲文字飲頗不禮應尼應尼與

吳其能輩作白練裙雜劇極爲譏調聚子弟唱演召湘蘭觀之湘蘭爲之微笑定襄傅司業清嚴訓士一

且召應尼跪東廂下出衞袖一編擲地數之曰舉子故嘗爲輕蛟蝶耶收以覆楚久之乃遣去應尼舉進

士傳公爲北祭酒介余往謝過公一笑而已應尼官太守免歸余作長歌寄之有日子弟猶歌白練裙行人尙醜湘蘭墓應尼亦次韻相答是後寂不相聞矣

金陵元夕篇

朱樓隱軫薄層霄綠水縈隄蕩畫橋十里香風吹紫陌一年

明月始今宵今宵無處無簫鼓佳麗名都較得數美酒留連
拚十千少年歡笑惟三三五年時二八游箇儂無賴逐風
流香輪寶勒紛填巷翠竹紅燈擁上樓樓前九陌連三市中
有侯家通戚里千螺春星舞袖翻九枝夜閣歌鐘起歌舞惟
應此夕陳魚龍百戲競爭新銀花絳樹開千丈佛火神燈照
百輪花燈在處如人好半醉筵前看鮑老何客燈前到可遲
何人花下歸能早花下燈前出畫裙衣香一路暗氳氳不知
南陌人如月且道東門女似雲雲移月墮歡難歇虬水丁冬
霜漸咽郎心尙逐紫騮嘶妾意先留烏舅舌歸去燒燈總不
眠含情脈脈定相牽餘宵冷焰留紅燭明日芳塵拾翠鈿

陳玄藻 一首

庚籤卷二十二

七

玄藻字爾鑑莆田人萬歷庚戌進士授行人遷禮部
主事歷江西廣東參政遷貴州布政使乞歸召拜禮
部侍郎有頤吟集

露書陳爾鑑詩如虢國夫人不須脂粉而色笑婉麗

姚園客入燕留酌

涵江碧水靜娟娟宅在橋西得趣偏燕市悲歌纔一醉龍潭
修禊已三年同袍與子秋初冷乙夜留人月正圓劇飲何須
規厚祿冷曹亦剩俸餘錢

譚性教 一首

性教字生伯棻蕪人萬歷庚戌進士累官陝西副使

有黃雪山遺稿

千佛寺贈李山人

有客過擔簦高名是李膺
獨籠雲外鶴來就海邊僧
白社千日酒青山七尺藤
知君多遠興俠骨自峻嶒

吳伯敷 一首

伯敷字同文一字季布宣城人萬歷壬子舉人

秋夜簡同社

蕭瑟西風吹徹裘小窗燈火獨夷猶
殘砧草閣三更月細雨
楓林一夜秋華髮漸看天地老
青山不共古今愁中原舊盟
多零落好與滄江狎野鷗

庚籤卷二十二

十一

庚籤

吳姓一首

姓字鹿友興化人萬曆癸丑進士除晉江知縣改維
縣徵授御史以忤魏忠賢削籍崇禎初起故官歷大
理丞左通政擢右僉都御史巡撫山西乞歸起兵部
左侍郎協理戎政進禮部尚書兼東閣大學士以命
督師逗留遣戍金齒福王立赦還復官國變後卒於
家有嘉遯堂集

潭村守歲

庚籤卷二十三

歎息餘生今尚存幽吟終歲閉柴門一年虛過惟殘夜萬事
難酬是舊恩落落異鄉驚白髮幢幢短燄照青樽停杯未覺
春風入愁向孤村說故園

李孫宸 二首

孫宸字伯襄香山人萬曆癸丑進士改席吉士授編
修歷中允庶子少詹事侍讀學士遷禮部侍郎進本
部尚書贈太子太保諡文介有建霞樓集

政禎兩朝遺詩先生以優柔之韻抒穩順之詞純古
淡泊蘊藉深美

舟過張曲江丞相墓

山下春江走濁流山邊丞相古墳留天然怪石供香火風遞
仙韶到寢邱陵谷豈知人代改蘋蘩空薦粵江秋低徊此際

懷風度擬挾晴霞訪十洲

虎邱

西邱日落坐氤氳吳越山川掌上分
羈氣已荒金虎迹江濤猶壯水犀軍
離宮雨歇餘芳草別墅春殘起暮雲
獨有生公臺畔石吳儂長日醉紅裙

方震孺一首

震孺字孩未壽州人萬歷癸丑進士
除沙縣知縣擢湖廣道御史巡按遼東
被逮下獄擬大辟以皇子生暫免崇禎
初得釋起廣西參議擢右僉都御史巡撫
廣西有孩未先生集十六卷

小山嗣音先生忠義奮發出於肺肝既遭憂患彌耽禪悅故其詩沈摯盤激

庚籤卷二十三

二

田按天啟時被逮諸君子多下鎮撫而孩未獨下法司諸君子皆以忤閣故禍尤烈孩未僅忤閣黨故禍稍緩而猶得幸免也其詩多紀時事言之沈痛貫索悲風吹白虹老臣嚼指灑遺忠紀揚大洪畢命之時夜半嚼指血書一百二十七字付獄卒顏紫是夜白虹貫索也獄裏蠹根數不逢六賢連臂化長虹紀六君子先後死鎮撫獄中產黃芝一本大如盤也青磷落日王孫血自月橫空帝子魂紀流賊屠襄城也斂鐵九州難鑄錯潰癰羣盜正如毛紀楊嗣昌主撫致流賊橫行也

獄中逢趙君金吾世茂

此地胡為聚相看一愴神深驚前路險更覺故人親
拙計羞明主餘生厭小臣
斛山精氣在儻許作比鄰
金吾素人與斛山先生同里

葉燦一首

燦字以沖桐城人萬歷癸丑進士改庶吉士授編修
遷南國子司業歷中允庶子天啟末削籍崇禎初起

少詹事兼侍讀學士加禮部侍郎累遷南禮部尚書
追諡文莊有天柱南中廡下讀書諸集

寄題朱太常園林

礪石滄江借不難
千章萬个碧琅玕
花間白墮青絲舫
郊外籃輿紫籜冠
礙日樹交晴欲暝
當窗瀑射晝長寒
相逢莫怪如泥醉
齋禁歸來禮數寬

白正蒙 三首

正蒙字爾亨南通州人萬曆癸丑進士除行人有大
夢齋集吹劍篇燕中草征西草

田按爾亨詩意取凌厲但傷直遂而少涵蓄

山行雜詩

庚籤卷二十三

三

山水相趁逐辛苦
不復論鐘聲出林莽
古寺幽可捫重崖
壓僧屋蔓草繁層軒
宿雨寒松秋薄煙
散朝暾涓涓澗底泉
歷歷空階喧清冷
愜心賞灑然忘塵煩

成都懷古

杜老迹大奇
嚴公骨自俠
載酒日相過
不冠時亦接
登床未爲忤
入幕情更愜
感知有餘哀
而乃云欲殺

送盧少藎司訓淮陰

一官仍吏隱
疋馬出皇州
落日送君去
淮陰我舊遊
有詩能弔古
無事可尋幽
俸薄饒沽酒
高歌俯濁流

齊琦名 一首

琦名字越石桐城人萬曆癸丑進士官紹興知府有

慕韓草

飲米仲詔古雲山房

積想湛園勝良宵快此尋蟾光淹暝色石氣散秋陰顛合三生具交從一往深不知朝市裏別自有雲林

方大鉉

一首

大鉉字君節桐城人萬曆癸丑進士官戶部主事有塞蘭館集聽峽齋草

泊牛渚

江上秋風夕蘆邊獨客舟雨檣棲斷港野火射寒流醜酒懷高詠宮袍憶舊遊夜深雲霧散日月滿滄洲

王應熊

二首

庚籤卷二十三

四

應熊字非熊巴人萬曆癸丑進士選庶吉士歷官詹事以憂歸崇禎初詔拜禮部侍郎進本部尚書兼東閣大學士參預機務以言官論乞休再詔忤旨許歸田福王立改兵部尚書兼文淵閣大學士總督川湖雲貴軍務戰敗遁入永甯山中卒於畢節衛有涵園集二十卷

田按應熊與周延儒溫體仁朋比相業不足言國變後歿於行間君子猶節取焉

書太暉觀道士卷二首

青牛道士去不反黃鶴仙人迹又陳獨坐花宮消浩劫等閒滄海已成塵

湘獻王園晝不開秋風桂子落牆隈白頭老卒藏遺像龍種

當年事可哀

周京 三首

京字寤西沂州人萬歷癸丑進士官禮部主事有貴

園草吳越遊草金城集

田按寤西弔古之章頗饒興趣

叢臺弔古

高秋凌雉堞云是古叢臺宇宙一俯仰英雄俱草萊窺秦心
未死分趙意何哀惆悵精靈歇西風四面來

鄴中

叢臺朝繫馬漳水夕停舟霸氣風煙盡河聲日夜流山雲時
欲雨關樹易爲秋獨有前朝月依依鄴下樓

庚籤卷二十三

五

瑯琊塚

禾黍蕭蕭晉代宮尙餘高塚臥秋風新亭幾許神州淚盡入
荒煙一望中

俞琬綸 一首

琬綸字君宣長洲人萬歷癸丑進士官衢州西安知

黃縣有自娛集

感病桂

幽香發叢桂秋半以爲期今年節序早怪爾獨開遲遲遲不
須較終然亦遲萎及此正開際折取戒章兒夜半風雨作每
日無晴曦繁花惜狼藉眾葉亦紛披此猶坎壈人憂患復千
之植物尙如此人生安足悲

陳繼儒明詩選君宜少有才名成進士行宦越中未幾病歸卧疾南城書蘇秦如扇頭乃感桂病詩也墨妙精絕不幾時成長逝矣此蓋其詩識也

蔡文第一首

文第字及甫新昌人萬厯乙卯舉人

對琴圖

琴絲欲斷清晝長闌干竹靜燃花光美人幽襟若秋水無限

瀟波流入湘

羅賓王四首

賓王字季作番禺人萬厯乙卯舉人官南昌同知有

散木堂獄中草

靜志居詩話季作罷官歸築哭斯堂於里門或怪其誕然方其佐郡欲率師勤王居恆慷慨好談天下事

庚籤卷二十三

六

及陷身狂獄志不少挫詩歌多憤懣之詞亦奇士也

冬日送盧山人入桐廬訪孫明府

河梁此為別風雪入年殘况聞彭郎渡還歸巖子灘青山空

向老江水至今寒寄語桐廬宰窮交自古難

寄懷黃逢永久客吳越

江南二月時花發滿棠枝故國開將遍遊人多未知雲山何

處盡歲月自遷移莫遣春風裏年年馬首吟

李定夫下憲獄寄之

自分難逃網聞君復禁門千金何用換七尺且酬恩末世親

知薄時難友誼存詰朝誰後死先為一招魂

哭黃湘卿諸義士

昔宜火在下谷如數士於獄中未

一笑轅門日又昏英雄能有幾人存誰云市井多亡賴自昔
屠沽肯報恩藏血有時終化碧漆身何處認歸魂餘生漫後
須與死泣向西風孰可論

錢士升一首

士升字抑之嘉善人萬曆丙辰第一人及第授修撰
歷中允南少詹事遷南禮部侍郎召拜禮部尚書兼
東閣大學士參預機務加太子太保進文淵閣大學
士以疏忤旨引疾致仕國變後七年卒有賜餘堂集
十卷

入直詩

深宮衡石論章奏綸閣推敲費論思子夜漏深纔罷直門官

庚籤卷二十三

七

猶報是申時

袁林雜俎嘉靖以來票擬額首揆餘旁睨而已萬曆
之季疏多留中福清葉向高德清方從哲相繼嘗
嘗閒坐終日福清曰安得票一疏全我體乎天啟間
事繁福清及蒲州韓爌間送次輔票一二宜與周延
儒始分票計疏若干折以為常晨入夕出拮据不遑
閱例不宿人申刻散班崇禎初遂燃蠟更餘堂吏猶
循故事高呼申時錢寒菴詩于夜漏深才退食門官
猶報是申時

劉榮嗣

五首

榮嗣字敬仲曲周人萬曆丙辰進士授戶部主事改
吏部歷員外郎中出為山東參政歷布政使入為光
祿卿遷順天府尹拜戶部侍郎以工部尚書總督河
道下獄死有半筋集

盧世淮尊水園集簡齋詩體莊氣和思苦韻澗具有
蕭蕭馬鳴悠悠旆旌楊柳依依雨雪霏霏之意

列朝詩集敬仲爲人淹雅讀書好古爲詩用意冲遠
自謂迥出時流德州盧德水篤好而深解之句銓字
注以爲獨絕唐人鑄賈島宋人之宗涪州無以過
也余在請室與敬仲蒞處踰年敬仲取往復次韻之
作都爲一集名曰錢劉唱和詩敬仲詩操南音不類
古夫于亭雜錄曲周劉半舫尙書詩有雅裁題蘭亭
卷云永和之上已逸少以千秋余夙喜誦之以不虛

字損其佳也

靜志居詩話尙書銜命治河時駱馬湖潰運道填於

乃創挽河之議起宿遷至徐州別鑿新河分黃水注

其中以通漕運計二百餘里費金錢五十萬邳州上

下悉河南故道濬之尺許皆沙掘之爲河經宿沙落

河坎復平迤引黃入波流迅疾衝沙而下往往成於

明年艘至駱馬湖潰流適平運丁惟願入新河者舟輒

膠於是南給事中曹景參上疏特糾落職提問下獄

論獄未解而卒朝野之論以尙書河渠之任本非

所長皆誤信門客之說用違其才爲可痛惜其後駱

馬湖復潰舟行新河人頗稱便焉至其詩格卑卑未

能遠與古人方駕

田按尙書詩格不聳高而憂時傷懷有蕭瑟蘭成之

感

庚籤卷二十三

八

游淨業寺

溪過人人影林開事事幽
萍光分酒綠波色與雲浮
禮設非因我機空亦有鷗
如何相約久今日始同遊

病中雜詩

種蔬聊學圃斷酒欲爲僧
抱病官如葉資身杖倚藤
通宵千里夢四壁一篝燈
念友增予愧言歸尙未能

寄懷張聖標金吾

誰將空谷寄蘭身念子悠悠白髮新
調羹累年兵愈弱徵輸滿地國方貧
可能高卧吟梁父仍恐私憂累杞人
若問近來朋友事依然騎馬踏京塵

憑欄

高樓秋氣正蕭森
罷酒憑欄且獨吟
何處吹簫催暮雨
有人孤策倚荒林
癖如米芾差存右
懶似嵇康併廢琴
早已投閒吾計得
入山何必更求深

寄懷聶章羽

惆悵天邊一雁遙
朔風獨立影蕭蕭
生平畏事思緘口
近復貪眠懶折腰
悔不當年安鄙賤
卻憐垂老愧漁樵
歲寒倍憶邱樊好
羨爾身名共寂寥

彭汝楠二首

汝楠字伯棟莆田人
萬厯丙辰進士
除會稽知縣入
爲禮科給事中
累官兵部侍郎
贈尙書

庚籤卷二十三

九

蘭陔詩話讓木名列東林疏勃魏璠中引趙高鹿馬
爲論忠賢大志矯制奪職崇禎初起爲少司馬以流
寇猖獗議勦與當國者不合乞歸闕岸圍於南郊中
有煙鬢閑情依樓蕉聲館刺水居棹聲閣搖碧齋密
庵玉照臺且止臺湧香廊浮山榭橋圍荔徑雲來樹
見山亭隱花閣寸草庵壺天榭庵諸景董文敏爲作
圖諸名流俱有題咏鑄之珉石幾與輞川爭勝又有
岸圃花志柯無瑕爲爲生極天然之趣優游綠野十
年先甲申一歲卒其子士璠年甫總角朱眉岡攻與
化時結壯丁爲內應斬關納之爲山寇王士玉所戕
黃轂弔以詩云司馬有賢兒功成灑碧血可謂不墜
家聲矣

賦得春水滿四澤

孤村積雨霽野水漫
磯頭蕩漾遊鱗樂
澄空遠嶼浮落花迷
斷岸飛鳥趁輕舟
倚檻長吟罷春光
潑眼流

寄黃友實花潭別業

繞坐山迎客
過橋水應門
潭光邀倦翮
林影飲清樽
草長迷

花徑沙崩出石痕晚晴催句好農務自村村

謝士章 九首

士章 榜姓 字含之普安衛人萬曆丙辰進士除增城

知縣遷南刑部主事歷員外郎中出為重慶知府累

遷參政有計借笑玉軒退食軒秋似亭羅浮七星巖

燕臺懶雲鄂中巴音等集

田接合之性耽吟事淡於仕進其在增城於衙齋構
秋似亭取唐人詩秋光有似宦情薄之意自作投忌
詩云春和看穡事公暇難歸月故園情仙吏環滁醉
疏狂在已性成松風官舍夢蘿月識主恩宏轉比部郎云
幽人谷口耕買山儲薄俸已識主恩宏轉比部郎云
偶聞驚馬新移廐自笑蛻螂又轉九恬靜之意見於
哦咏詩有十集莫子愚輯黔詩紀畧不能舉其名余
從厥肆購得為之喜而不寐明代黔中詩人以謝君
采為稱首含之生於天末不染當時氣習與君采同
詩品亦在君采之次

庚籤卷二十三

十

宦况

宦海最風塵猶堪宦海濱 時令 地腴禾兩稔天煖氣長春魚

蟹饒供饌江山儘媚人歸來雖未賦五斗不知貧

偷閒二首

無端青鬢改未老宦情闌直道艱微祿清名勝大官菊松三

徑遠天地一杯寬莫笑陶潛懶淨雪著眼看

誰容官散誕我以病消閒清俸儲藥芳醪可駐顏硯田經

歲蕪詩草倩人刪不解移文意孤援嘯北山

宦中思故鄉親友

帶孔頻移鬢欲皤藤床蠶卧病維摩春過二月杯多少官歷

三年俸幾何縱藉琴尊消冗俗何如嘯傲寄煙蘿碧雲未閉

桃花洞爲我先栽小綠萼

金陵除夕

賞得屠蘇薦酒卮家人且作客中嬉曹無法律繩稽懶地有
江山縱楚纍多病長卿猶竊祿食貧陶合又添兒閑愁歲事
同除盡領取陽春律管吹

聞鶯

竹樹陰陰水一灣閉門何異住深山青蘿斷隔世情遠白鶴
渾如人意間漉酒近花巾葛潤敲詩過徑屐痕斑不知何處
鶯聲好趁我銜杯到耳間

五月報轉比部郎

兩夏靈靈室欲瀾杜門書史伴閒官偶聞駕馬新移廐自咲

庚籤卷二十三

十一

蜚螂又轉丸宦套難隨時樣改酒腸仍似舊年寬長翰端合
滄溟老背負青天何處搏

臨池

練裙堪試筆不若寫黃庭日得雙鵝廩無官亦不貧

春江

晴花臨水發幽鳥逐雲飛閑卻江波綠無人上釣磯

方孔炤一首

孔炤字潛夫桐城人萬曆丙辰進士除嘉定知州改

福甯入爲兵部員外歷郎中以忤魏忠賢削籍崇禎

初起尙寶勦以右副都御史巡撫湖廣主勦賊忤楊

嗣昌繫獄用薦復官督山東軍務命甫下而京師陷

歸隱十餘年卒有中丞集

井中鐵

崇禎末吳門浚井得鄭所南書

連江鐵函書似漆吳門浚井一旦出沈埋一十三萬日羣鬼
嘶叫風雨溢男兒之血本不死蛟龍盤護千年紙腐栗場中
羽變徵咸瀉淚激三江底淚無端江且乾防江不難防心難
丸泥難塞圓通關天使井水澆人間至今首陽麓不生周草
木此語歌之古今哭

劉鐸一首

鐸字我以廬陵人萬曆丙辰進士授刑部主事歷員
外郎中出為揚州知府忤魏忠賢坐大辟死忠賢敗
贈太僕少卿有來復齋集

庚籤卷二十三

上

橫雲山人史彙鐸為揚州知府有才藻憤魏忠賢亂
政作詩書僧扇有陰霾國事非句偵者得之聞於忠
賢倪文煥者揚州人也素銜鐸遂嫉忠賢逮治之鐸
雅善忠賢子良卿事獲解許還故官良卿從容問鐸
曩錦衣往逮索金幾何曰二千金耳良卿令錦衣還
之其人怒日夜伺鐸隙言鐸繫獄時與四方震孺同
謀居間遂再下獄會鐸家人有夜醮者參將張體乾
誣鐸咒咀忠賢刑部尚書薛貞坐以大辟忠賢誅貞
體乾並抵罪鐸贈太僕少卿

馬當大風

倒峽羣龍鬪騰空萬馬嘶江神太無賴索我篋中詩

方大任一首

大任字玉成一字逢吉桐城人萬曆丙辰進士除元

城知縣擢廣西道御史以忤魏忠賢削籍崇禎初起

官遷右僉都御史巡撫山海關進右副都御史巡撫

順天有霞起樓詩草

送靈岳上人之九華

吾聞九華勝九十九芙蓉問爾從今去高眠第幾峯泉聲清
萬慮雲影伴孤蹤應念迷津客風塵事事慵

陳熙昌 一首

熙昌字當時南海人萬歷丙辰進士除平湖知縣擢
吏科給事中以劾魏忠賢削籍崇禎初復官贈太常
少卿

東湖雜詩

乍浦瀛孺曲遙連蘆憑場迎船桑葉綠繫纜茶花黃塔影開
初地鐘聲落上方孤城非鐵甕先事慎隄防

庚籤卷二十三

三

靜志居詩話乍浦孤城如彈丸倭寇入犯之衝經國
者不置重兵於其地網繆戶牖之謂何陳公作宰在
太平之日先有隱憂矣余嘗過其地登湯山山舊有
塔寺僧持疏募重建余極語縣令己之蓋洋船望見
塔易指點入口之路不可不深慮也

吳尙默 一首

尙默字以時涇人萬歷丙辰進士除義烏知縣擢
史進太僕少卿謫承天知府遷湖廣副使歷按察使
進布政使有秋水居集

白帝城

孤城三峽口古廟野蒿中赤甲連雲白瞿唐浴日紅金湯夔
國固壁壘漢時雄憑弔援聲裏遙天杳斷鳩

魏浣初 一首

浣初字仲雪常熟人萬曆丙辰進士累官廣東參政
馮舒懷舊集仲雪少爲詩喜袁中郎晚好湯養仍余
竊笑之君因自祕不以示余每謂人曰若家詩法與
我異愧不得當也晚而讀白傅集頗得其意

不如還獨坐擬白

新詠從今歇陳篇莫更刪縱饒凌鮑謝曾不救飢寒驅使愁
花鳥雕鐫苦肺肝不如還獨坐枯伴蠹魚殘

林枝橋一首

枝橋字陽仲新會人萬曆丙辰進士除當塗知縣徵
授禮部主事改吏部歷員外郎中以忤魏忠賢奪職
崇禎初起故官出爲湖廣參議進福建副使以事謫
官起貴州參政進按察使有白鶴山房集

庚籤卷二十三

西

病起

壁上枯桐久不彈青山蕭瑟水空瀾欲尋個裏荒寒意只在
稀微秋樹間

孫朝肅一首

朝肅字恭甫一字功甫常熟人萬曆丙辰進士除刑
部主事累官廣東布政使

張良

子房似好學報讐何激烈千金買力士誤推副車折託術雖
或疏秦政膽已裂人生貴立志立志在明節漸離筑中鉛荆
卿匕首血成敗不足論肝腸朗於雪

黃聖年三首

聖年字逢永番禹人萬歷戊午舉人除當陽教諭
田按逢永自號大藥山人詩特清婉

秋

忽覺空階下涼颼到葉聲似乘殘雨入時喚一蟲鳴楚曲青
蘭怨吳衫白苧輕所思千萬里蕭颼最關情

賦得秋閨月和家兄

長安一片月飛向畫樓前影共寒衣薄愁將破鏡懸淒清看
枕簟明白夢關邊莫是征夫苦秋風急上弦

答子明人日作

幾夜青陽雨都霑紫陌塵最憐春作客空惜日為人漂泊曾
誰問鶯花只自親今朝落梅處定有翠眉顰

庚籤卷二十三

沈德符 六首

五

德符字虎臣一字景倩秀水人萬歷戊午舉人有清
權堂集

列朝詩集自王李之學盛行吳越間學者拾其殘審
相戒不讀唐以後書而景倩獨近搜博覽其於兩宋
以來史乘別集故家舊事往往能數陳其本末疏通
其端緒家世仕宦習聞國故事且及見嘉靖以來
名人獻老講求掌故網羅放失將勒成一家之言以
上史館惜其有志而未逮也

靜志居詩話孝廉稟生異質日讀一寸書所撰萬歷
野獲編事有左證論無偏黨明代野史未有過焉者
其詩甯取公安竟陵欲盡反懸下耶耶之弊故多豔
字側辭雪颼星碎未免痴於才多也

田按景倩有與譚友夏語詩云子幼習楚人巾道
得伯敬示我立對稿序者日譚柄抗論卑時賢齒少
氣獨橫最戒傍門人位置須堅定欲還真大雅必斥
偽先正斯語吾堪師一笑歲寒詩二子世楷模藝林

作司命愿下與瑯琊一朝廢不競蚤逝悲鍾期朱紕
絕高聽之子獨雄視萬夫稟號令其傾倒鍾譚如此

惟其早歲博綜漁獵詞藻與鍾譚之專尚枯槁鏤刻肝腎者微別余戲謂清權堂稿一編著色竟陵詩也

穀雨日抵家

襯日魚鱗水烘人卵色天久晴貪穀雨新火活茶煙夜讀借
兒熟春耕老墓田浪游頻計左益悟杜門賢

杪秋閱稼

孤學達時路每窮敢因智叟笑愚公生天孟顛元難佛早世
終軍未免童老去計應依馬磨寒來辭又祝牛宮農場新滌
漁菴舊匡坐斜陽說歲功

天啟宮詞四首

保姆天家自不貧酬勞偏罄累朝珍也知漢武非英主回顧
猶勞郭舍人

庚籤卷二十三

去

衣冠上道盡纍囚麗景門中例見收龍比已知非俊物何妨
一日付來俟

萬方輻輳助雕甍觀闕巍峩壯帝京趙鬼不須重誦賦柏梁
未燼建章營

六宮拔淚但吞聲後命何須罪有名鉤弋競傳尸解去聖人
依舊戲昆明

李衡二首

衡字虎門章邱人少卿開先孫萬曆戊午舉人有虎

門遺詩

春日甯忠門過訪山莊

與客花林坐夕暉春殘花事未全非垂楊隔澗傳鶯語野菜

成叢引蜨飛取醉何妨村酒薄嘗新剩喜子魚肥一邱一壑
誰營得落魄鷄山老布衣

同金丈六侯夷門劉羽可飲元明西村偶以事先歸卽

景有作

山頂微微見雨痕半山隱隱溼雪根秋虹去地無數尺落日
穿林凡幾村醉共眠時松下榻笑相別處竹間門閒圍四壁
秋燈影還照疏花落酒尊

徐人玉一首

人玉字玉如莆田人萬曆戊午舉人官兗州同知

初秋卽景

幽徑寂無塵花覆青苔上一夕涼颼生瀟瀟蕉雨響

庚籤卷二十三

七

袁崇煥一首

崇煥字元素東莞人萬曆己未進士除邵武知縣擢
兵部主事超擢僉事監關外軍授甯前兵備道進副
使再進參政按察使擢右僉都御史巡撫遼東進兵
部侍郎乞歸起右都御史視兵部添注左侍郎事進
兵部尙書兼右副都御史督師薊遼加太子大保坐

法死

田按思陵多疑果於殺戮元素之誅所謂自壞長城
也明之不振有以夫

南還別陳翼所總戎

慷慨同仇日閒關百戰時功高明主眷心苦後人知麋鹿還

山便麒麟繪閣宜去留都莫訝秋草正離離

丁乾學一首

乾學字天行宛平人萬厯己未進士改庶吉士授檢討以忤閹奪官崇禎初贈侍讀學士有擁膝齋集比樂堂稿

閨怨

盧姬何事最榮懷人去遼西不易回獨倚小樓弄長笛聲聲吹出玉關來

高道素一首

道素初名斗光字明水一字如晦更字玄期嘉興人萬厯己未進士除工部主事歷員外郎中以督造桂府殿傾論死有景玄堂詩集

庚籤卷二十三

六

靜志居詩話水部才思兼人不以格律自拘古今詩皆超詣五律尤為長城當桂落分建奉命將作南方卑溼薄墟甫新大瑞亟事丹堊水部力爭不得既而雷震柱傾吏議周內遂罹顯戮聞者寃之

湘江道中寄內

輕帆短楫泝煙波疊渚迴洲奈遠何一路客程吟裏見十分秋色病中過江通漢水晴偏綠山入湘雲晚更多何處思鄉腸欲斷楚妃祠下聽吳歌

吳麟瑞一首

麟瑞字思玉海鹽人萬厯己未進士除常州推官徵授南禮部主事改吏部歷員外郎中出為湖廣參政歷江西副使按察使布政使以右僉都御史巡撫偏沅有哀鴻秋蟀等集

宿弘覺寺

晝登白雲梯夜就雲中宿歸雲隨孤僧冉冉入峒谷江月遲
未上清譚屢呼燭一枕足幽夢滴露響秋竹

姚希孟 二首

希孟字孟長長洲人萬厯己未進士改庶吉士授檢

討忤璫被論削籍崇禎初起贊善厯庶子進詹事以

忤温體仁降少詹事掌南翰林院有公槐響玉棘門

沈澹秋旻文遠循滄丹黃蔽天松癭伽陵風吟等集

黃道周漳浦集嘉靖初年議臣驚起文章之道散於
曹僚王弇洲李厯下爲之歸墟萬厯初年閩臣穆起
文章之道復歸詞林李大泌姚吳門爲之歸墟先後
數十載間軼軌相差而堂室一致予不及事大泌雅
交於吳門天下所爲震起雲蒸嶽舉海翰文行宗表
無有先於吳門者矣先生安步措辭宏聲亮實韓蒲

庚籤卷二十三

九

州見之而有王佐之稱劉南昌因之而有人龍之歎
何香山几几以遜齊年文湛持陶陶而要永夕至其
位不及於文何年不登於王李麟菱鳳傷天下共歎
敬禎兩朝遺詩先生詩春容雅麗有館閣風度
靜志居詩話逆察將定思陵發建祠稱頌諸疏申命
丙閣詳闕限以數日確議來奏輔臣難之求助於文
毅文毅中夜不寐周步堂中其容周生進而問於公
語之故生日某於七年中逆知魏客之必敗以詔附
諸臣分別其罪自謂無遁情公取而權衡之可乎公
覽之擊節稱善次日進於輔臣皆以爲當據之入奏
生吳江人或日秀才永年安期或日永年之弟永言
安仁也爰書旣定天下咸服凌遲處死者二人擬斬
者二十五人充軍者十一人贖徒一百三十一人冠
帶閒住者四十四人雖有漏網然吞舟之魚鮮矣

講筵日號二首

正字班隨綈几旁濃濡湘管辨鍾王而今宸翰無勞正只請

綸扉進講章

俯躬翔步聲便旋憑几探書送御前手把牙籤分句讀不知

身在五雲邊

雷躍龍 一首

躍龍字伯鱗新興州人萬曆己未進士累官禮部尚書

玉溪雜興

一望蒺藜楊柳萬家煙雨樓臺江南何處相近桃葉渡口歸來

庚籤卷二十三

三

庚籤

張懋忠 二十首

懋忠字聖標一字念堂肥鄉人以蔭敘錦衣衛官中
萬厯己丑武進士累官都督有元聲式道城陰河東
疾除樸石旅食庚草雪談索米艾變北道交變益睡
放言楚音皇仁存柳等集

方震孺報恩錄張念堂都督余舞象時從朱汝修扇
頭見其送李少侯詩中有海畔春雲溼畫旗之句以
爲七子中人也頃乃於獄中識面奇絕
田按聖標爲大司馬學顏文孫以蔭敘錦衣衛起家
旋中武進士儒雅好文與俞羨長梅禹金楊伯翼輩
往還天啟中魏忠賢矯旨杖工部郎萬燬聖標監杖

庚籤卷二十四

羣閣蹴踏燥聖標止之曰留人受杖以是忤忠賢尋
撫拾他事下聖標於獄崇禎初得釋聖標詩學少陵
五言清挺明武將稱詩者郭登張元凱外得聖標而
三選家多未採錄余得聖標客乘二十八卷亟登之

張良

吾子任國讐蕩產如棄屣盛氣試狙擊授圯乃長跪功成非
本志託辭不强仕合譽上雲衢布衣誠足矣

王通

五湖雲擾後云誰究絕學仲淹負道資識力一何卓祇多干
時策議者半純駁中說擬宣尼濁世此先覽

司馬光

温公振正學一洗熙豐弊出民水火中庶乎臻康濟未能竟
厥施遐邇爲雪涕小人如蔓草因春上堦砌

柳宗元

可愛柳柳州構思最清核一語不輕措烺烺光簡册韓質而柳文柳蹶而韓適三復龍城篇依附慎所擇

火酋寇臨洮襲殺裨將李聯芳輩警報狎至

欲語秋陲事洮州不忍聞淒風吹斷角殘燒斂斜曛白馬安西將朱旗太乙軍封侯何足齒戰死卽殊勛

送王岡伯

長安花爛漫彩筆不勝酬奕世青緗富禪心白社投雲香懸仕版雨雪命仙舟春日山園卧王珣業虎邱

懷叔氏靈長時卧病里中

一訊平干使憂心急暮春分攜朱序變阻絕白雲重消渴同

庚籤卷二十四

二

司馬相關有仲容月林清不寐意外入晨鐘

再懷叔氏

豁達如君少悠悠卧滄南誅茅更蔣詡苦思一椀譚雁字雲空白霜楓日就酣夜眠頻起坐情極好誰堪

歸客

蕭蕭遠歸客攘攘暮秋情骨肉相將便河山歷覽明路長宵始食鄉近雨還行看取岩棲穩能無作此生

贈趙藩蘇右史

家世雄曹濮翁公侗儻聞

右史賢長及腹自稱侗翁

恩波吳季重辭藻沈

休文貧更延賓客閒宜嗜典墳勝遊過帝子銅雀繪春雲

右史

善丹

青

五言雨
澄折孤亭出村迴碧澗交弱雲常在壁狂燕不歸巢晴望顚
虛擬秋懷未易拋緘書驚候雁天遠念同胞

送唐祈遠孝廉

春黯花無幸邊沙日日風客情當送遠時事只書空快泛春

江綠驚傳塞火紅安危言路重迴首念乘驄

祈遠美承先生仲子

嘉陽謁恆嶽廟同戴使君

蕭颯秋風大陸哀使君同病且徘徊側身迢遞王程遠刺眼
青蔥嶽色來護石雲霞更旦暮集靈宮闕鬱崔巍何時北谷
重搔首恆水盈盈杖底迴

白溝河

庚籤卷二十四

三

浩浩清沙散夕暉孤舟欲渡界河微無端烽火論前代滿目
燕雲指近畿玉座天南終自遠翠華漠北竟難歸不堪細數
康炎事雪涕縱橫塞草腓

閨霽

久客何心挈酒壺深山六月長蘼蕪透迤閣道開三晉次第
朋簪問五湖晴際晚峯雲日逗雨餘新水郭門孤年來留滯
侵蓬鬢落落平生愧遠圖

沈廷玉招飲新第

城隅隙地起重臺臺上丹樓逼漢開愛客壺觴分日至應時
花石蔽江來賦歸自覺趨朝懶選勝人傳賭墅迴明發相思
在何處大河秋色雁鴻哀

聞笛

山椒返照入雲黃一片愁心古戍旁橫笛莫吹楊柳曲只今
戎馬暗西羌

容舸三首

款乃初聞病半消雲林東下莽蕭蕭月斜人散蒹葭冷夢在
平干第五橋

穆家口西煙水鄉柳簷蘆艇接微茫輞川遮莫詩如畫占斷
漁村不姓王

吳歛初歇發齊謳野月西沈入柁樓輕撥琵琶四絃急不知
誰是白江州

劉綬一首

庚籤卷二十四

四

綬字省吾南昌人用廕爲指揮使遷雲南迤東守備
進遊擊將軍以平緬功擢副總兵兵諫謫遊擊遷廣
西參將移四川擢總兵以事降副總兵尋充禦倭總
兵官進都督同知改四川錄平播功進左都督召爲
左府僉書與杜松李如柏馬林四路出師兵敗戰死
天啟初贈少保

師駐虎牢

東逐西馳歲月深凱旋駐馬漫開襟三巴戰壘龍泉出六月
烽煙雁字沈關塞自憐餘白髮廟堂誰爲暴丹心良弓烏盡
應無用緩整漁竿釣海潯

鄧子龍二首

子龍字武橋豐城人應募累功授廣東把總遷銅鼓石守備歷浙江都司擢參將進副總兵尋被劾歸朝

鮮用師起原官戰死贈都督僉事有橫戈集一卷

王士禛皇華紀聞子龍隆萬間名將援朝鮮戰死平生善書喜吟咏可與戚繼光陳第並傳

登飛山

南來倚劍上巖巖滿眼烽煙坐裏消西望六百八十穴我欲

一掃歸天朝

金雞橋

短甲輕兵入武鄉西風吹首鐵衣涼大幽山下無情水笑問

金雞舊戰場

喬一琦一首

庚籤卷二十四

五

一琦字伯圭上海人萬曆癸酉武舉人以薦授遼東

廣甯衛守備進鎮江遊擊隸都督劉綎軍兵敗沒崖

死天啟初贈都督僉事

松風餘韻伯圭天才絕世於書無所不窺所為詩賦古文詞皆警奇超軼尤長書法多龍蛇飛動之勢

長千行

聞說瞿塘水風濤八月多郎舟歸未得音信近如何

張可大一首

可大字觀甫其先孝感人世襲南京羽林左衛千戶

中萬曆辛丑武進士授建昌守備歷浙江都司劉河

遊擊遷廣東高肇參將改浙江舟山加副總兵擢都

督僉事僉書南京右府事出為登萊總兵官以勤王

功進都督同知再進右都督孔有德兵變登州城陷
投繯死贈特進榮祿大夫太子少傅諡莊節有真州
婁江電白舟山白下牟子駛雪齋等集

平水閘碑銘

有序

舟山水閘傾圯久矣余於丁巳歲捐俸而新之數載
以來土膏滋而斥鹵變洪濤抑而魚鼈甯萬頃皆同
一方底定民享樂成式歌且舞用紀成事系之以銘
奕奕舟山東海之陽溝洫弗治同於漏觴我思古人能化瀉
鹵趙國在前白渠繼武爰出橐金厥工鳩只旣築旣堅如墉
如砥蓬萊之野安期之鄉原田膺膺流水湯湯彼硯有時繕
修勿替託管陳詞敢告津吏

庚籤卷二十四

六

杜文煥

五首

文煥字燮武延安衛人原籍崑山由廕敘歷延綏遊
擊將軍累進參將副總兵擢延綏總兵官坐罪戍邊
起甯夏總兵官改鎮甯遠進右都督特命提督山陝
臨甯總兵勦撫流寇坐罪下獄用薦起故官尋謝歸
闖賊逼畿輔加太子太保統兵入援福王立南都以
原官僉書中府提督京城捕務進少保少師兼太子

太師國變後歸原籍崑山卒有太霞洞集三十二卷

粟林雜俎宜興再召都督杜文煥日章趨其家告曰
相國聞命例疏辭而今事亟寇敵交計勢不兩顧其
關繫在松山之師稍有蹉跌大事去矣相國疏辭卽
宜附密奏撤師松山回守關門蓄力併銳猶可支也
若待相國入朝而圖之度紆程三四月則松山險矣
關門豈能獨禦哉上待相國厚言之必聽幸速爲計

宜興漫應之殊不置意及入朝東師果潰而九塞之精銳盡矣都督以語吳駭公深用追歎曰章博通經

史二氏善五七言律田按萬曆中葉以後專閩將帥以能詩名者有杜文

煥蕭如薰史稱隆慶後款市既成烽燧少警輦下視鎮帥為外府山人雜流乞朝士尺牘往者無不壓所

欲薊鎮戚繼光有能詩名尤好延文士傾費結納取足軍府如薰亦能詩士趨之若鶩賓座常滿妻楊氏

繼妻南氏皆貴家女至脫簪珥供客猶不給軍中患苦之如薰莫能卻也一時風會所尚諸邊物力為耗

識者歎焉文煥詩尚初唐其宇初唐詩云約句準編燦如綺繡發音揚韻妙合宮商此文章之變曆詩道

之妙端也太震洞集五言近體頗有藻韻時與薛干

何無咎俞羨長林茂之諸人倡和不如蕭之好事也蕭有杞子珊瑚顆蘭山翡翠峯之句為人傳誦附

見於此

和陳守相元夜之作

銅鑣不警夜寶馬競嬉遊鼓角驕胡舞笙簧豔越謳尊傾千

日酒燈簇萬星毳藉甚昇平樂鼇峯曉未收

庚籤卷二十四

七

明妃祠

好事者誰子明妃亦有祠玉顏如昔否青塚至今疑只合誅

婁敬何須殺畫師啞啾林雀啞如和道中詞

過天甯寺訪朗公禪師步望之韻

結侶參禪榻聞師轉法華金輪迴地軸碧落散天花樹古推

僧臘燈明續慧霞機鋒方妙合莫訝夕陽斜

再登虎邱慈公留悟石軒酌新茗

重遊虎邱寺步步踏林花鐘梵香雲地旗槍穀雨茶禪心參

白石輒語接丹霞簫鼓催人劇紅塵去路賒

毛女峯

秦皇空好道白首未通玄毛女緣何事紅顏便得仙

安國賢一首

國賢字養卿福州左衛應襲指揮使有穀音白雪二集

送徐興公之金陵

江皋草色別魂銷才子南征訪六朝
河上遊人青雀舫樓頭歌妓紫鸞
簫交遊到處多相識文藻同聲總
可招臨發不堪懷舊侶故園松菊待
逍遙

邱坦一首

坦字長孺麻城人萬曆中武進士官
參將有度適集楚邱集南北遊草

無題

庚籤卷二十四

八

亂山深處且停驂村酒雖渾亦共酣
日落棠梨花樹下一聲布穀似江南

庚籤

陳昂 七首

昂字爾瞻一字雲仲莆田人世稱白雲先生有白雲

集七卷

鍾惺隱秀軒集白雲先生陳昂者莆田黃石衛人也自隱於詩獨與馬公子用昭善先生詩所謂自天亡我友者即其人也莆田中倭城且破先生領妻子奔豫章織草履為日不給繼之以下泛彭蠡憩廬山觀陶合之蹟皆有詩已入楚由江陵入蜀附僧舟備囊以往至亦輒備於僧遂遍歷三峽劍門之勝登峨眉焉所備僧輒死反自蜀寓江陵松滋公安巴陵諸處至金陵姚太守稍容之給居食久之姚太守亦死無所依賣卜秦淮或自榜片紙於扉為人備作詩文而閩人林古度與其兄懋者過其門見所榜紙突入

庚籤卷二十五

其室問知為莆田人頗述其平生一扉之內席牀古竈敗紙退筆錯處其中檢其詩誦之是時古度躡年少頗曉其大意稱之每稱其一詩輒反而向壁流涕嗚咽至於失聲其後每過門輒袖餅餌食之輒喜復出其詩泣如前居數年竟窮以死其子倉皇出覓棺衣舁之中野古度兄弟急走壯夫時尤嗜五言第家言今體一帙其自序畧云昂壯夫時得先生手書五貧無多古書得王右丞即誦讀右丞得杜工部即誦讀工部間取其筆所中規中矩者時或一周旋之又時或一折旋之含筆腐毫研精彈思今觀其五言律七百首則先生所學所得實錄實際盡此數言矣蓋地明自有詩而二三君子得實錄實際盡此數言矣蓋地為限不得入自搢紳士大夫詩的有本末者非其所交遊品目不使得見於世者多矣况老賤晦辱之尤如陳昂者乎近有徐渭宋登春皆以窮而顯晦於詩詩皆遜昂然未有如昂之窮者也予嘗默思公織履賣卜傭爨傭書時胸中皆以為何物求其意象所在籍籍過乎其前者眼中皆以為何物求其意象所在而不得吾友張慎言曰自今入市門見賣茶傭皆宜物色之恐有如白雲先生其人者甚矣有激乎其言之也馬之駿妙遠堂集有明以來詩之窮無如先生者飢

寒喪亂窘辱悲苦種種皆備有人之所未有而情性足以副之吾無以窺先生獨見其手鈔原本波盡枯硬如燥枝斷蚓而綴補篇彙無一字苟則先生之挫名憤世所自託於不可知之人者爲計工且遠也田按白雲集孤迥清峭稱其爲人袁中郎識徐青藤鍾伯敬推陳白雲可謂孤情絕照

步西林寺外

僧家論眞素爭羨永禪師翠谷一以憩清風耿所思菴荒虎迹出塔敗鶴巢危惆悵西林路藤蘿礙接籬

尋玉桂山避暑

燒春未易沽酷暑應思避散髮入幽林解衣挂空翠花間鳥語添山頂鐘聲墜消受冰谿風徐徐涼夢寐

與許處士同過故空公山院

昔與許玄度同心事法師一朝解蛻後滿地落花時苔路從

庚籤卷二十五

二

風埽松門爲雨欹不堪舊行者相送出山籬

甘露寺步秋月潭夜深歸峯頂半峯菴僧房

秋月潭將暝扶筇安適從偶隨歸嶺鳥遂遇隔谿鐘徑密強千轉崖高過百重上方更盡到漸漸白雲封

夜泊

此地知何處扁舟繫小亭孤村低臥水野屋大於瓶卻少犁鋤樂尙餘鋒鏑腥白頭萬里客仰愧老人星

長干與三三小兒散步

小兒相聚樂喧喧共野禽喧采藻臨溪澗看碑到寺門尙寒三
月景微霽六朝村帶有慵書物菘陰買綠樽

步丁堰

不負生平癖山嘉景遂嘉澗行逢白石谿渡拾青霞犬吠三竿日鶯啼萬樹花此間如下隱先近賣漿家

吳鼎芳 十二首

鼎芳字凝父吳人有披襟倡和集

列朝詩集疑父為詩蕭閒簡遠有出塵之致與范東生刻意宗唐刊落凡近有披襟倡和集行世嘗與東清月白苦吟清嘯僅得七言絕句一首往返二十日風如此後蘇築從釋氏法為高僧以終疑父與葛震甫稱詩於兩洞庭皆能戒除俗調自堅眉目震甫晚自信不驚顛折入於鍾譚而疑父亭亭落落迥然塵埃之外震甫自負才大以為入佛支果雖復根器小免墜修羅藕絲中疑父修聲聞辟支果雖復根器小劣後五百年終不落野狐外道也
田按疑父詩刻露清新明詩之晚秀者

柳浪溪

庚籤卷二十五

三

山青秋雨後人坐秋風裏平沙下鷺鷥簌簌動蘆葦夜半明月光漁舟弄空水

靈源寺夜期朱雲從不至

美人雲壑期禪宮夜無閉林光忽如拭碧月生雨霽空色映潭心天香出巖際山童汲澗響野鶴時一啖幽意寄晨鐘遙遙自相遞

泊北固山下

夕陽江色遠艤棹潮初退獨客吟清秋沙鷗冷相對水氣上城根風聲隱巖背漁舟載煙火撐入菱菱內

開戶

開戶見清旭晨欣偃息前山夜來雨蒼翠猶滴瀝松際待

虎山菴答蔣十

歸雲花邊跂幽石時有會心處
嘯鳥破孤寂
偶坐已夕照徘徊夜復深
西岑見新月墮露聞松林
覺幽人來隔窗動微吟

歸湖上

西風吹簪笠無恙舊江天
白鳥飛破水青山移近船
晚晴楓葉外秋冷荻花邊
泊處堪遙指柴門生野煙

寄趙凡夫

十里寒山路香風正采茶
偶隨樵客去一到隱君家
細語生清月閒心託片霞
別來湖水關秋色上蘋花

向夕

庚籤卷二十五

四

日落荒陬外天清古渡頭
丹楓飛一葉秋色在漁舟

月夜山中

山空春不知雪霽夜猶冷
月上寺門開一犬吠松影

西湖竹枝詞

家家水葬綠楊隄寒食寒煙奈鳥嘯
白骨浪淘誰是主年年花落段橋西

弔蘇小小

塵消豔粉問遺碑松柏西陵起暮思
留得蓮衣秋水上半陂

寒影弔鷓鴣

送景周王孫還豫章

採菱歌斷雁初聞一幅離帆趁夕曛
前路贈君秋色好大江

煙月小孤雲

葛一龍十一首

一龍字震甫吳人國子生入貲除雲南布政司理問

有尺木齋修竹編筑語等集

列朝詩集震甫入貲為郎久次選人困於無資地吳橋范質公典選識其名異而問之曰得非吳下詩人葛震甫人呼為葛髡者耶乃得就選除雲南布政司理問正嘉之際洞庭蔡九達為清綺之詞頗自異於文視諸賢以為獨絕震甫聞而說之刊落翦刻欲迫配於百年之上已而年漸長筆漸放楚人譚友夏之流相與尊奉之浸淫徵逐時時降為楚調可為一唱也

田按震甫矜奇尙不至如九達之誕詩如斷港絕潢時逢佳境

送范東生之滇南

相念亦已苦卻於離處逢江聲撼獨往客路趣殘冬天盡山

庚籤卷二十五

五

忽起瘴開雲復重館人蠻語接計日給新春

喜聖僕至

為約每無憑今宵喜得朋片雲波上宅殘雨夢中燈春冷花

如病齋清客當僧看山不待霽把臂入煙層

秋陰

西爽忽自晦不知朝與昏井上半殘葉湖中無遠村桔槔幾

日罷農牧相遇存雲淡一如水野風吹到門

秋晚石湖作

豁然十數里一帆生雨西蘋花如欲雨日暮不堪攜漁戶徧

新郭僧田帶越溪依依為別處橋畔柳陰低

舟泊處憶李昌穉孫同覺公凝父

野泊原無定依稀識舊會店開煙市柳船纜月溪藤細雨生
春漲殘尊了夜燈往時同泛客誰似一瓢僧

酬劉師蕃過訪

山中

有客催呼入山童識舊知相逢還自憶爲別幾經時露白酒
香早橘黃書到遲僑居隔林巷一過一如期

懷王永啟先生

城坳萬綠隱樓紅滑滑鶯聲細雨中養瘵儘堪銷暇日歸心
不待起秋風茶香東道須名衲山水西冷得寓公過嶺梅花
開一徧喜無他訊累書空

雨中九日賦得徧插茱萸少一人

蕭蕭颯颯動秋菰風雨登臨事有無佳節又來催綠酒故人

庚籤卷二十五

六

相間隔黃墟氣昏小閣僧鐘冷影斷江門客雁孤滿著茱萸
不堪把只看霜色上頭顱

宿吳門

市聲喧盡響風湍篝火青青照夜寒歸到江城猶是客兩山
殘雪夢中看

舟夜憶梅

白日山中三百樹一樹一杯曾遍看今夜孤舟練川雨瓦瓶
篝火折枝寒

立春前一日懷山中

四日新年一日春新春還是舊年人山中有屋何常住逢著
梅花便結鄰

范洸 八首

洸字東生烏程人有范東生集四卷

露書范東生詩如楊柳當風嫋嫋有態
列朝詩集東生徙居吳門鑿池種竹攻苦讀書沈酣
唐人之詩諷詠其清詞麗句苦吟精思寢食盡廢引
洞庭吳凝父為同調務盡刊甘醴肥厚獻酬儂僮之
詞視餘子蔑如也輟全唐詩千餘卷貶手疥足迄無
膏夕咯血以卒年四十有四疑父手定其集而為之
序曰方東生苦吟時收視返聽馳情結思不傍古不
緣今不拘律不適偶一字不安寸心幾嘔自簡鍊以
至純粹若繡錦未粗不異恆綵及綵綉之具鍊巧之
飾文章炫然然後知為神於法者也
靜志居詩話東生詩才嫺雅如靈犀結佩可以碎塵
方之孟揚允兆諸君覺尤騰拔
田按東生詩琢句練字無浮音無佻態於七子末習
袁鍾流派均無所染

訪趙凡夫廬舍

無路覓君去亂峯雲若屯嵌空巢樹杪鑿石沼山根古帖從

廣籤卷二十五

七

見搗新詩與姊論閒門臨拱木蒼翠自朝昏

過武陵懷龍觀察

去指黔鄉近回瞻楚甸遙郡門臨白浪驛路疊青霄積雨寒

初霽長煙溼未消征鞍停不可無賴是今朝

望茅山殘雪

華陽望不極縷縷晴煙生斜日半山雪照人中鳥清漸融仍

合沓近晦逾空明強載筇輿去搖搖人外情

贈楊孝父

清時有隱者自汲還自耘翳然茅屋上一片堯時雲

滇中詞三首

秀海海邊葭蒹秋滇池池上雲悠悠人心恰似此中水一道

南流一北流

鴛鴦浦綠水如苔鏡裏人家向背開五月纓僮劍雲去三冬
蕪女擔花來

池西之西天一涯四時長有三春花青帝颺處客沽酒五歲
女郎能數肥

西家

蛾眉不掃鬢雲斜含怨含情未破瓜背倚曲闌花一樹春光
多少屬西家

李能茂 十首

能茂字允達東陽人知府學道子有卑邇亭稿武林

倡和集友疴山房集

庚籤卷二十五

八

弇州山人續稿允達詩以才氣勝五七言古尤更奇絕若五言得意時翩翩建安矣

吳之器發書能茂詩七言如干花南浦吳姓醉獨樹西陵越客過平林夜火漁舟出極浦秋聲雁陣移五言如駿骨時名重羊腸禹陵西皆雄健有作者聲
唐長路通秦望北山斷禹陵西皆雄健有作者聲
田按允達服膺濟南弇州專講氣格而才力自健有拔劍悲歌之氣年三十餘而卒可惜也

再寄胡元瑞

落日下空山狐兔交行迹陰風動地來荒草蒙昏色中原幾
萬里莽蒼不可識汗血紫驪矯捷過飛翼遭時雨多艱躑
躑原野側天雞三四嗚轉桑破微碧長往豈復羈時來難再
息朝發東海墟暮憩崑崙澤

貽斯惟武

蘭蕙揚芬芳託根污泥塗生質本自潔內貞外不濡寄心在

浩蕩叢累強支吾芥草蔓華階
雨露滋榮數貴賤非所較徒
以信區區物理率互虧怨尤
以爲愚造化豈異培久近意固
殊淹沒百歲身千載常斯須

俠客篇贈萬生

俠骨峻嶒雙眼碧
結束翩翩自顧惜
生好橫行不可當
片語風波坐相索
酒間絲竹調未終
擁妓忽過章臺中
豪華厭據七貴席
揮霍不數五陵雄
吳鉤灼爍霜紋錯
錯披髮悲歌意氣作
彎弓白日獵燕山
走馬清秋戲宛洛
回看世事但悠悠
黃金如山不復留
食魚偏輕彈鋏士
匕首羞藉將軍頭
路旁冠蓋紛若水
往來結客聲名起
當筵肝膽眞一擲
七尺報恩向誰死

庚籤卷二十五

九

養疴

數身成百折
指口定三緘
駭骨時名重
羊腸世路艱
病愁生白髮
窮淚落青山
別作生涯計
茅廬傍佛巖

雨夜

湖雲猶浩浩
苦雨竟漫漫
急峽魚龍鬪
平沙雁鷺團
林聲先暮澀
嵐氣雜秋寒
惰骨兼沈病
飛蓬久不冠

贈盧將軍洪秋

寶匣飛霜玉鹿盧
雄心會復按邊圖
趨朝曉露侵金甲
入幕晴絲點繡弧
萬里鯨波消郡國
九關虎隊翼神都
豈應好武將軍事
爲奏饒歌出塞無

酬李彥宏見和覺明寺寒夜之作

南山亦有被裘翁
黯淡清秋句最工
垂老名從高隱得
和歌身在酒狂中
逼除暮雪深齋外
回首寒雲大澤通
若道憐才誰解意
可知憔悴更相同

從軍行 三首

繞陣旌旂聲似雷
黃雲一騎射雕回
古來枉費孫吳法
別有將軍破虜才

材官都護盡橫戈
天子修邊按劍過
直北風塵衰草色
一時金鼓下交河

玉關西去莽蒼開
鐵甲雕弓陣陣排
戰罷不知歸路遠
霜天齊上李陵臺

吳兆 十首

庚籤卷二十五

十

兆字非熊休甯人有金陵游闕豫章武林姑蘇東歸

廣陵溪上南遊等稿

曹學佺石倉集非熊古詩學謝靈運沿及盧駱近體
類岑嘉州字句尙覺實余愛其未落韻時散吟如猿

聲令人凄絕

筆精非熊能詩而貧日甚游江湖十年落魄不能爲
歸計有詩云谷日鐘聲度嶺微嶺頭嵐氣散朝暉江

山處處通鄉路只是遊人不得歸可謂深於貧者矣
列朝詩集非熊少警敏喜爲傳奇詞曲游少年場推

爲渠帥萬歷中遊金陵留連曲中與新城鄭應尼作
白練裙雜劇譏嘲馬湘蘭青樓人皆指目有焚川輕

薄之名已而自悔改弦爲歌詩撫初唐作漆淮鬪
章篇新安詩派尸祝太函肥臃相尙不解始於非熊

尤相得借遊闕中諸山及武夷廬九華復還白下
其爲人率真自放好窮山林花鳥之致提身苦吟貴

游雜坐竟日諷詠不知有人久之別能始歸新安作
東歸詩已而後出游訪故人於嶺南客死新會蕭麗

詩評者謂其有二種早年穠華婉至中年清眞蕭麗
大要沈酣於大朝唐人而傳之以性情幹之以風調

工力並深與象兼會雖與能始同調翦刻鏤鑄意新
理極能始似有間焉能始序其詩以為古詩學靈運
沿及盧駱近體學岑嘉州字句少實固宜其知之而
未盡也新安閔景賢采輯明朝布衣詩推若上吳允
兆為中興布衣之冠以予論之親父則孟揚遜聽則
非熊庶無愧於此評要當與千古共定之耳
蠶尾續文非熊五言其源出於謝宣城何水部意得
處時時近之七言自秦淮鬪草篇而外頗無可采
靜志居詩話非熊清而能麗綺而不靡最見賞於石
倉其風調亦相備
田按非熊以秦淮鬪草篇得名萬應末詩家長篇如
徐與公玉主行鄭翰卿字生行林初文賦眉篇徐推
和帝京篇俱有盛名要不如非熊此篇為最故齊推
程孟陽與非熊為明一朝布衣之冠阮亭亦無異議
康熙中汪洪度合二人詩刻之為新安衣二布衣集余
謂非熊尚非孟陽敵若謂二人為明布衣之冠更當
置孫太初謝茂秦輩於何地無怪乎改後人之訾議
也

春日留別柳陳甫諸社友

金陵風雅地新亭送別所飲餞樓已陳江湄舟尚阻雲樹含

庚籤卷二十五

十一

遠思春山起別緒征人戀故歡舟子逐前侶雲黯層城深風
轉孤帆舉草積白鷺洲花落梅根渚嘉月子眷余芳訊吾希
汝落日川之曲悵望澹無語

秦淮鬪草篇

樂遊苑內花初開結綺樓前春早來春色染山還染水春光
銜柳又銜梅此時芳草萋萋長秦淮女兒多閒想閒想玉閨
間羅衣正試單芳颿入戶吹帷動巧鳥當窗攪夢殘因嬌麗
日長千道相戲相要鬪芳草芳草而初齊茸茸沒馬蹏芳草
遠如霧望望迷人步將綠將黃不辨名和煙和霧那知數鳳
凰臺上舊時基燕雀湖邊當日路結伴踏春春可憐花氣衣
香渾作煙誰分遲遲獨落後誰能采采不爭前嫋嫋桑間路

佳期何暇顧悠悠秦淮水遠道不遑思空生謝客西堂夢徒
怨湘娥南浦離未鳴鴉鳩先愁歇乍囀倉庚正及時正及時
愁先歇密取畏人窺疾行妨躡滑入深翠溼衣綠高香襲襪
寒若將何爲束芻欲待誰茜紅猶勝頰黃白卻慙肌薜荔裁
衣安可被膏蒲結帶豈堪垂盈羽盈襟羅扇芳蛾飛蝶繞滿
衣裳蘭皋借作爭衡地蕙畹翻爲角敵場分行花隊逐對壘
葉旗張花花非一色葉葉兩相當君有麻與泉妾有葛與藟
君有蕭與艾妾有蘅與芷君有合歡枝妾有相思子君有拔
心生妾有斷腸死嬴歸若个中輸落阿誰裏相向無言轉自
愁芳凋過雨忽疑秋別本辭根何倚託傾青委綠滿郊邱雖
殘已受妍心惜縱賤曾經纖手摘芍藥多情且自留薜蘿有

庚籤卷二十五

七

恨從教擲人生寵愛幾能終人心安能採時同榮愁結念尋
歸逕接珮連裙趁晚風情知朽腐隨泥滓會化流螢入幕中
貞州江口望金陵

遠望何氤氳棹歌風靜聞情含極浦樹魂逐渡江雲草短鵝
能數沙乾鷗可羣河橋將別酒猶憶把羅裙

正月十三夜同王若觀伎用來字

倡樓羅薦開急管促行杯花氣衣香奪蟾光燭燄回舞飛雕
砌雪歌落綺窗梅不盡橫陳態猶期三五來

金陵客舍同江永叔吳建伯作時建伯卧病

旅館夜沈沈涼風吹客心殘燈垣樹影微雨禁鐘音以子病
吟苦兼余秋思深離家纔幾日江郭又聞砧

送陳大理德遠奉使還端州

離亭別酒雁嘶嘶，使何年帝里逢歸路。馬寒廬岳雪驛樓人夢秣陵鐘。城臨錦水方迎樞，家在荷山不廢農。惟有禰生狂似舊，嗟君去後復誰容。

無題

花暗橫塘有路通，斷腸送送畫橋風。鴛鴦祇宿雙生樹，鸞鳳那棲半死桐。楚峽雲歸芳夢散，秦淮月在故樓空。別來聞說新粧束，學得蛾眉幾樣工。

留別朱道安徵信伯仲遊閩

章門一別欲何從，閩越溪山路幾重。麋鹿難馴隨野性，水雲無定任遊蹤。海晴峯出窺雙鬢，雨後灘高過九龍。徒有離魂

庚籤卷二十五

三

繞江樹東湖明月上藍鐘

西湖子夜歌

南峯望北峯如歡，又如儂何當雲霧合。兩峯作一重

登天臺峯

蘿磴松崖幾百層，猿攀魚貫始能登。昨朝望處今宵歇，巖下雲埋入定僧。

揚承鯤 十二首

承鯤字伯翼鄞人國子監生有西清閣詩草

層崖白瑜篋讀伯翼近作如吸日月之華秀爽欲絕

儀縱觀海內作者語工者格卑氣勁者味短尚纖儂

則乏風骨吐胸臆則傷體裁作如牛毛合如麀角每得伯翼詩便驚異竇

再上者舊集伯翼年十五六爲諸生沈嘉則一見奇

之日今建五丈旗當以揚生居吾前所謂獬見難

與爭鋒也因作戲贈楊伯翼詩呼爲德祖以是有重
名嘗以年家于謁王弇州見其行卷絕驚賞伯翼歌
然竟別去退與人言王先生博大心慈客持片楮求
譽輒津津不休卽孺儒買豎人人謂王先生知已僕
尙客厠其間耶伯翼文章高妙詩于五言律更爲長
城

靜志居詩話伯翼論文謂先民有作鼓率存焉不入
鼓率雖工無當也論詩厭博王李謂暗中摸索知爲
今人之詩惟誦之不類今人而不蹈古人之迹斯善
矣譬如學書然方其心慕手追必盡肖古人之成
也亦不必盡肖乃成家可稱知音者也
田按王元美贈伯翼詩云愛讀西清草新詩果自清
吐來珠照夜珠就玉連城禮樂從先進文章畏後生
亦知揚德祖不忝漢簪纓推挹甚至萬曆中葉以後
世以王李爲口實若伯翼者庶可以議王李而不至
流爲鍾譚之鬼趣也

江邨

玉萼長林下江邨落照間夕風常滿樹秋雨不羶山拈拾歲
時晏謳歌稼穡艱芙蓉涼更發朝暮損紅顏

庚籤卷二十五

古

度阿育王嶺

去去盤雲轉高高望海行到山千澗響入谷萬花明邱壑夢
常往煙霞疾未成興來還不淺翻劇子規鳴

佛迹

嶙峋石氣蒸殿塌久無僧仄徑盤雲入荒碑覆雪崩泉飛陰
磴蘚花落佛衣藤始悟生生理玄心已似冰

天井寺

萬壑趨天漢千盤到寺門遠山存殿古小姓見僧尊想望眞
龍窟尋常紫氣屯來朝上五井霜日看雷奔

越客

遂作三年客能無一字傳長安自有月銀漢不通船老客甯

忘越春鴻欲度燕卽看大隄柳歸思正如煙

桓溪晚歸

落葉谷風起山寒白日徂秋風動寥廓人語入菰蒲澗險鳴
泉亂林高晚燒孤前峯斜照出昏黑徧栖鳥

送百穀歸姑蘇

到來董子國歸去闔閩城世路有吳越交情無死生

百穀以弔張大

司馬至鄞風高江氣紫霜落海潮青別後遙相憶煩更月旦評

紀事

青天日如旂亭午一星明不敢論玄象私心想太平

小山偶然作

煩惱世情終不休欲投空谷轉夷猶寒苔古石深溪路種樹

庚籤卷二十五

五

人歸樹已秋

江樓

酒幔風帘十萬家門前流水是桃花吳鹽似雪來供饌越女
如雲去浣紗

雪曉懷西清田舍

松暗泉明澗道崩洞門寒色掩枯藤朝來茅屋無行路雪壓

幽厓第幾層

讀慧上人東嘉草

新詩讀罷意俱閒煙海蒼茫去不還應笑桓溪老居士碧窗

終日夢青山

吳敏道十八首

敏道字曰南寶應人萬厯中貢生有觀槿白雲折麻

月舫竹西水影堂等集

弇州山人續稿曰南詩辭旨清麗神采流暢發端必

工尾結必道隆萬之際灼然巨擘也

子夜歌二首

郎向湖南去昨日纔歸來東風知儂意吹動羅幃開日

儂有白頭吟曲短調白高雪花綴瓊樹好看不堅牢

竹枝詞

妾家紅樓江水邊樓前日到上江船問人問得郎消息郎到

家時月正圓

妾家住錦江旁錦江流水入瞿塘吾儂只愛錦江好瞿塘

庚籤卷二十五

六

風波愁殺郎

采蓮曲

朝采蓮暮采蓮木蘭爲楫沙棠船翡翠珠簾挂兩邊青娥皓

齒嬌且妍吹洞簫擊盤鼓歌聲未歇雙起舞霧縞冰縠風前

舉游龍驚鴻何翩翥南湖去北湖回三十六湖明鏡開湖水

流入杯中來人生不樂何爲哉君不見玉繩漸低西月頽

鴝鵒行

鴝鵒乎鴝鵒乎爾形不祥爾聲胡惡胡爲乎朝登柏梁之臺

暮宿平津之閣巢阿之鳳遠避之青瑣紫微俱落莫阜囊彈

擊滿中朝豈能容爾嗚嗟鴝鵒飛入故山去浮雲不蔽萬

年樹萬年樹下吹玉簫還迎鳳凰歸舊巢

至日楊貢士見訪

煖氣浮葭動晴雲逗水新喜逢南至日得見北來人笛奏關
山月衣沾京洛塵梁園行投簡莫歎馬卿貧

送濟菴禪師還東嶽

僧來自南海別去指東峯破衲兩三片閒雲千萬重
楓江寒落影花徑暮留蹤遂有皈依念如聞煙際鐘

夜自范莊回支川作

雲蹤無定在來往此溪頭月照袁洪渚詩成謝朓洲
遠村惟辨樹淺水不勝舟煙際重回首知君尙倚樓

懷郭次甫

只在江心寺盈盈不可呼梅花一歲盡鴻雁尺書無
春色似庚籤卷二十五

七

相惜焦山莫太孤願因新月吐贈爾摩尼珠

春日過高郵訪龔憲部

經歲不相見停雲詩思多春風來幾日吹綠五湖波
一舸能乘輿中園堪養疴娟娟畫省月光滿碧山蘿

海陵登望海樓

久客不勝思哀歌劍忍彈故人能載酒天地此憑欄
風笛山城暮霜旌海戍寒當筵重慷慨頻按切雲冠

秋興

烏鵲棲方穩鳴籬喚庾笳月低穿石樹風裊渡溪鐘
世事元甘拙詩情未覺慵自然眠不得非是感秋蛩

黃質山寄詩因答

美人居近館娃宮
采采寒香曲徑通
明月總憐千里共
暮雲眞擬一尊同
吳儂江上丹楓葉
楚客山中青桂叢
謔玩世興情俱不淺
肯因搖落怨秋風

宿鐵塔寺無塵上人方丈

濟水灑灑繞古寺
下馬先浣塵土容
白雲一片老釋子
青天九級金芙蓉
客久已是厭苦海
睡熟不聞鳴曉鐘
遙遊竹杖化爲鶴
明日留之殿門松

姑孰

馬上春風繫玉瓶
遠遊正不礙沈冥
故人亦有當塗宰
客子重過姑孰亭
橋影江天搖水碧
塔陰山寺落空青
滿城白紵歌仍好
一樹梨花倚醉聽

庚籤卷二十五

六

秋日寄武昌故人

別後頻看月
秋來未得書
武昌江上柳
應似故人疏

夜歸

夜景何蕭寥
川原莽迴互
山僧相送歸
月在西村樹

俞安期二十六首

安期初名策字公臨更名後改字羨長吳江人有琴

琴集四十卷

列朝詩集羨長巨目鼻魁顏長身狀貌如河北僧父與之談研衡抵掌意氣勃如也少客於龍君揚受國士之遇君揚被譴入楚慰之遣戍永安又入豫章送之與楚人丁元甫爲意氣之交元甫歿厚遇其子海內歸義焉羨長嘗以長律一百五十韻投贈王元美元美爲之傾倒已而訪汪伯玉於新安訪吳明卿於下雒皆與結社後門章布頗依諸公以起名才氣溢涌晚亦知厭薄其窠臼而聲調時時闕出不能自

禁也

靜志居詩話美長之名由元美明卿伯玉而成詩亦兼綜三家原本李獻吉長於獮祭賦景有餘言情不足如入隋苑觀翦綵花青紅碧綠非不爛然奪目即而視之於根株總不相附
田拔美長才筆縱橫選聲練格俱准古人雖依元美輩以成名其詩未必盡受羈勒也明卿伯玉之才去美長遠甚美長安肯俯就惟貧士依人不得不稍為假借論者乃以此為訾議何所見之不廣也

同陶懋中使君自樊口赴江夏抵洪山作

晨榜截洪濤午轍改遙野
境墟岸善崩斷續雨頻灑
官道鮮有蕩山容亦無渣
扶藪徒眾驚揭厲淫潦瀉
援愁風篠扶蛟奔土虜
赭仰脅既升危折行屢
經下濁泥辨去蹤觸雲誤
來者行止附同懷慰勞
愜清竿夕寐偃頽館朝
餐即荒社合并展衾稠
遞代更輿馬委形故所
忘為恭諒非假遠矚情
迴復

庚籤卷二十五

五

蘭若

楚行詠古 二首

得志則舉喪失時亦龍蛇
胡為屈大夫栖栖欲懷沙
發辭吾所師述意良足嘉
遠擬殷三仁俯仰多隱嗟
賈生計大事實有治安才
所乏葆光德而令絳灌猜
出傅扼所志弔屈申微哀
承塵上鵬鳥憂生亦何哉

丁南羽畫維摩說法圖贈以長句

維摩昔家毗耶城說法思為眾生利
辯才居士稱無雙了義法門明不二
當年願長康每傳其像留雁堂
張僧陸探微效之
差可方復有孫尚子亦傳行變空門裏
吳道子程遜繼之頗相

似瓦棺甘露壁俱毀定水聖慈復崩圯靈光飛散成雲煙粉
彩沈淪入泥滓更兼秘本久不傳丁生創出遙齊肩神手疑
懸造化力慧眼應破天人權越構空青武昌綠齊宮紈素吳
江穀毫端現界忽三千色裏看身還丈六諸天既雜沓萬國
何繽紛天女天花散若雨龍神龍部歸如雲問難文殊若賓
主仙音似共迎陵吐隱几直看示病容彌天偏入莊嚴土人
人諦聽繞縈迂法力變現成須臾室中坐乞燈王座鉢裏食
傳香積廚嘗聞爲此畫每向中天曷幾年工巧殫神明一時
瞻禮生歡喜應知盡力施丹青只欲邀人出生死俞居士丁
畫師前身同住香海水偶然並出青蓮池只今宛在阿閼國
神通遊戲相追隨

庚籤卷二十五

三

白嶽贈別慧月天人歌

高高白嶽神德廬紫庭綠宇開帝居萬峯合沓擁珠闕百靈
趨走朝琅輿琅輿珠闕光相射有美翩翩聿來下天人瞥見
行天門羽士爭看迎羽駕曳玄服飄華巾步丹宮謁絳宸誰
信毗城散花女只疑帝所彈璫人自言身是謫居者家臨大
道通車馬羞廁東園桃李間肯赴西陵松柏下花間樹下虛
可憐春來秋去能幾年任是學歌兼學舞爭如事佛還事仙
故衣拋卻黃金纓稽首皈依梵王土江上曾投曼室師閣中
曾禮香巖主今來問道陟名山寶函玉檢探雲關詎隨鳳史
吹簫去也乞浮邱授藥還聽者何紛紜望之俱歎息遽絕上
宮要旋整東歸軾歸時應報女伴知從今勿復忌蛾眉謫期

暫在桃葉渡化身終去蓮花池舊事繁華總堪悔滄桑旦夕
頻遷改石城女子甯久留臨春美人復安在卽遺豔曲傳人
間何似幻身辭苦海

沅江雜述

蘊子空舸入舟師徙岸過牽江人力盡栽石鬼工多風氣非
全古華音已半訛向西聞小梗羣盜尙橫戈

計辰州光父同登郡齋後山卽事爲贈

吾愛辰陽守看雲獨遠心人長放衙去山與閉門尋積石空
階伏麝煙一壑深誰能郡齋裏日夕卧青林

澧上逢林元琳止宿因託寄聲龍君起

天地行寥廓哀歌亦自勞思投武陵住直作杆山逃石鼎青
精餽糟牀玉乳醪誰家留醉客干日卧蓬蒿

庚籤卷二十五

五

雪後寄王仲房

積雪山城霽長煙旅望開君家隔蒼莽我馬病崔嵬茶事鋤
雲罷漁歌出浦來桃花東郭酒春事候登臺

宿雙嶺菴

聖水臨階定祇林截嶺開雨冰龍子出嘯月虎偃來喻法高
移座繙經小築臺梵音中夜發誤作海潮迴

龔子勤自嘉興守擢參浙省駐節金巖奉寄

部內江山是輿區定搜遺事歷崎嶇雲林叱石逢僊客星瀨
披裘問釣徒大有土風書越絕能無歌詠憶吳歛故鄉寥落
扁舟客浩蕩鷗羣在五湖

吳姬年十五爲馮元敏賦贈內人

吳姬十五嫁前谿樂府翻成手自題持檝揚歌津吏女上堂
挾瑟侍中妻花藏寢室流蘇暗山擁粧樓翠黛齊每起校書
臨鏡早催人不恨汝南雞

聞周國雍以順慶守擢建昌兵備進平西南夷遙寄二

首

總爲征蠻事武功翻從化蜀借文翁深淨黑水蒲江盡懸度
青天棘道通笮馬全教歸漠北竹王那許擅南中乘邊更欲
開新郡露布先飛入漢宮

渡瀘無復瘴紛紛詞藻長飛五色雲帳下新聲橫吹笛馬前
雕管檄蠻文搜荒暫借青羌卒清壁深移赤甲軍自分書生

唐籤卷二十五

三

疏劍術卻思長揖遠隨君

寄周國雍使君於蜀郡

嘉陵新領虎符年循吏西來事已傳神雀郡門長自下石犀
江岸老仍眠天橫雲漢孤城上山擁岷嶓卧閣前不藉王褒
供筆札中和輪爾賦新篇

塞上四首寄汪司馬伯玉先生

塞垣高築切雲霓烽燧驚聞斥候迷未遣漢師犁漠北浪招
虜騎牧關西三秦士女移旃帳百二河山入鼓鼙更說洮州
損諸將可容無罪問羌氏

佛牙每說迎西域虜道長聞借肅州誰遣單于通右臂遂煩
飛將射旄頭六師塞外難憑險五郡河西獨隱憂縱馬放牛

非往日居延龍勒早防秋

夜傳毳幕寇西涼朝輦金繒委朔方既有羣胡看太白甯勞
諸市貢飛黃江南輓粟輸垂盡塞上屯田事太荒今日乘邊
休浪議安危須問趙平羌

先皇套賊未曾搜竊土犁田古夏州千帳依憑元內地幾人
憂患白西郵虛誇積甲齊熊耳誰議稱兵飲虜頭會牧昨聞
通外援可堪肘腋據旃裘

玉照亭

陽曲孤亭抱影斜林梅迴繞玉光華巡檐近擁三珠樹捲幔
高懸四照花肯學漢姚非主第不教羌笛在鄰家玲瓏帶雪
仍堪鑿宛坐雲中七寶車

庚籤卷二十五

三

寄周國雍憲長於臨洮

榆城絕域晝蒼茫白日陰陰隔隴長雪後旌麾秋逐虜雲中
燎火夜搜荒桃花東道來天馬木葉西山見玉狼不耐因君
懷出塞笛中新曲奏伊涼

李善徵憲使備兵湖北賦贈

荒雲吏部拓千山版籍新開洞壑間土俗已非三戶楚衣冠
漸出五溪蠻塚邊樹色巴蛇斷廐裏桃花笮馬閒獨有犁庭
西北議無人重出玉門關

登夕佳樓因寄丁元父兄

縹緲飛樓載酒過異鄉搔首一悲歌高沙北郭情偏近佳氣
西山夕更多濫有虛名歸草莽動隨詩興隔關河美人南浦

遙相憶獨雁春江怨綠波

勞勞亭與所知敘別

長河落廣庭醪酒溼秋星出戶輕生死藏名託醉醒一言曾
夙昔百感豈飄零朋好從茲別山川信所經亂雲高進屐大
澤莽揚舫巖石臨圻白湍流入峽青懷沙悲楚客倚竹見湘
靈風土還徵記鄉音欲改聽清芬紉岸芷赤實采江萍畏路
元輕犯遙心不自甯懷親愁日短憶友悵雲停縱使身仍在
勞勞似此亭

水月洞

洞戶引江流南下清瀾瀾月過影孤沈潛蚪抱珠起

東濠雜興

庚籤卷二十五

五

日斷青精炊飯雨芟綠草編蕞老合爲農石戶貧甯貸粟監
河

代送中使織裘還朝

織罷冰綃進御歸鮫人水國暫停機自憐不及吳蠶老一吐
新絲上袞衣

靈風土靈遊正瀾音洽初辨香芬殿阜並沐寶采玉將異
錦華豐會鐘合韶洩白龍爲人如青龍必法發將商竹異
鳳首百鳳豈鳳零眼我發茲限山川計刑辨瓊囊高靈
具既蒼黃風漸西望地星出只難主我滅否活賴一
樂後亭與世賦

